


CHIUTA MWENENKHONGONOZOSE

KUVUMBUKWA KWA ISE

 Ndiri na Malemba ghachoko ndalembapasi apa, agho ine nkhukhumba kuyowoya kwa imwe pakuyambirapo, ndipo ine nkhugomezga kuti Chiuta watumbikenge kuyezeska kwithu kwa kutomboloka.

² Sono, wanthu wanandi wali kuzizwa chifukwa icho ise tiriri wambura kupulikiskika ndiposo waviwawa chomene. Imwe mukumanya, uwu ndi mtundu unyakhe wa kulekana wa—wa ungoro kuruska iyo wanthu wa—wazgoŵera kuyiwona. Ndipo, kananandi, chirichose chiri mukaŵiro ngati nkhakudumuka-nakomira. Kweni para ise tikwiza ku misonkhano iyi, uwo wakhala kuwa mwaŵi wane sono kwa virimika vinandi kufumira apo iyi yikati yayamba, ndipo ise tikumanya napachoko chara chakuti ise tingachita. Ise tikwiza waka na kujipereka taŵene. Ichi ndicho chekha pera icho ise tikumanya kuti tingachita. Ndipo Chiuta wakuchita vinyakhe vyose vyakhalako vya ichi. Ntheura icho chikutipangiska ise wanthu wakachitiro-kambura kupulikiskika.

³ Zuwa linyakhe, munyakhe wakati, “imwe mukumanya, mwaŵanthu imwe muli wakuziziswa nadi.”

Ine nkhati, “Enya, ine—ine nkhuwona ndimo tiriri.”

⁴ Ndipo ine nkhukumbukira umoza wa misonkhano. M'bale Troy wakandiphaliranga ine nyengo yimoza za mu Germany muchoko uyo wakati iyo wakapokera ubapatizo wa Mzimu Mutuwa. Ndipo pa zuwa lakurondezguna mu sitolo umo iyo wakagwiranga ntchito, iyo wakakwezganga mawoko ghakhe muchanya na kuyirumba Fumu, na kuyowoya malilime na kulutiriranga waka, mwakofya. Ndipo paumaliro, bwana wakiza kufupi ndipo wakati, “Heini, kasi ntchichi chachitika na iwe?”

⁵ Iyo wakati, “O, ine ndiri kuponoskeka.” Iyo wakati, “Mtima wane ukusefukira waka na chimwemwe.”

⁶ Iyo wakati, “Enya, iwe ukwenera kuti wanguwa kusika kula na gulu la manati kwenekula.”

⁷ Iyo wakati, “Enya. Uchindami kwa Chiuta!” Wakati, “Nkhuyiwonga Fumu chifukwa cha manati.” Iyo wakati—iyo wakati, “Imwe mutore galimoto, yifike pa msewu.” Wakati, “imwe muwuskeko manati ghose ku iyi, imwe mukuwa na chinyakhe chara kweni mulu wa “visulo.” Ndipo icho ndicho. . . Ichi pafupifupi ndi unenesko waka, imwe mukumanya.

⁸ Zuŵa limoza, mu California, ine nkharutanga kukhirira mu misewu ya mu Los Angels, ndipo ine nkawona munthu wakaŵa na chimanyikwirowo pa nganga yakhe, na *apa*. Ndipo iyo wakati, “ine ndine chindere cha Khristu.” Ndipo waliyose wakalaŵiskanga kwa iyo. Ndipo ine nkhaŵawona iŵo ŵakung’anamukira kunyuma na kumulaŵiskanga, wakati wajumpha kufupi. Ndipo ine nkughanaghana kuti ine ningamanya kurondezgana na ŵanyakhe ŵose ŵa iŵo. Ndipo pa . . . msana wakhe, iyo wakati, “Kasi imwe ndimwe chindere chanjani?” Enya. Ine nkugomezga ise tose tiri ŵambula kupulikiskika, yumoza kwa munyakhe, imwe mukumanya.

⁹ Kweni, imwe mukumanya, charu chikunjira mu uheni wantheura, mpaka chinyakhe chakulekana chikuchipangiska ichi chambura kupulikiskika chomene, mpaka ŵanthu ŵakuchita kughanaghana kuti chinyakhe chinthu chanangika. Ndipo Chiuta nyengozinandi wakwenera kuchita chinyakhe chachilendo chomene, kuti watore ŵanthu kuwerera ku Baibolo.

¹⁰ Ine ningamanya kughanaghanira kuti Nowa wakaŵa ngati ndi na—na nati, ku muwiro ula wa sayansi mwenemumo iyo wakakhalanga, chifukwa iŵo ŵakamanya kukhozgera kuti maji kukaŵavye ku mitambo. Kweni Chiuta wakati ghazamkuŵako ghanyakhe kula. Ntheura, Nowa, kupharazganga na kugomezganga chira, iyo wakazgoka nati.

¹¹ Ndipo ine ningamanya kughanaghana kuti para Moses wakati wakhirira ku Egupto, iyo wakaŵa ngati ndi—ndi nati, kwa Faro. Kweni kumbukirani, Faro wakaŵa nati, kwa iyo, nayoso. Ntheura iŵo . . . Ise tikuchimanya icho.

¹² Nanga ndi Yesu ŵakamutora ngati ntchakusekereska. Uwu mbunenesko. Martin Luther wakaŵa nati, ku mpingo wa Katolika. Ndipo John Wesley wakaŵa nati, ku Anglican. Ntheura, imwe mukumanya, iyi—iyi pafupi ndinyengo ya nati yinyakhe. Kasi imwe mukughanaghana ntheura chara? [Gulu likuti, “Amen.”—Munozgi.] Kweni, pambere kundaŵeko nati, imwe mukumanya, kuyenera kuti yiŵeko boti, danga, kuti yimangike kwa iyi.

¹³ Ntheura, imwe mukumanya, Nowa, pakuŵa nati, iyo . . . Chikutorera nati, iyi yikuguza boti, yikuguzira chinyakhe pamoza, ndipo yikumangirira chinyakhe pamoza. Ntheura, Nowa wakamanya kuŵaguza ŵose aŵo ŵakamanya kugomezga, kunjira mu ngaraŵa, kufumako ku viyeruzgo, pakuŵa nati.

¹⁴ Ise tikusanga, kuti, Moses wakaguza mpingo kufuma ku Egupto, pakuŵa nati. Uwu mbunenesko.

¹⁵ Ine nkughanaghana ise tikusoŵerwa nati sono, kuti yiguze Mwali kufuma mu mpingo. Ise tikusoŵerwa chinyakhe sono, munyakhe yumoza, ntheura ise tiri mtundu wa ŵanthu ŵakuzizwa chomene. Ndipo ine nangughanaghana, usikuuno, usange Fumu yingazomezga, ine nkukhumba kuyezga

kuwērenga Malemba ghanyakhe ghakukwaskana na ichi, ndipo ningamanya kuyowoya kwa imwe kwa nyengo yichoko waka, na kuyezga kumurongorani imwe chifukwa icho ise tiriri wanthu wambura kupulikiskika.

¹⁶ Tiyeni ise tijure mu Malemba sono, ku Wafilipi chipatulo 2, 1-8, na 2 Wakorinte 3:6. Ndipo tiyeni ise tiwazge, apo ise tikugomezga Mazgu gha Chiuta.

¹⁷ Ndipo sono, pambere ise tinda wazge, tiyeni ise tisindamiske mitu yithu kuti tipemphere.

¹⁸ Wadada Wachizi muli Kuchanya, ise nadi ndise wanthu wa mwaŵi, usikuuno, kuti tikukhala wamoyo mu muwiro uwu, na kuwona vinthu ivyo ise tikuiwona vikuchitika, na kumanya kuti nyengo yiri pafupi chomene kumara, apo Yesu wafikenge kupukwa Mpingo Wakhe. O, icho chikukondwereska mitima yithu, Fumu! Ndipo apo ise tikujura mapeji, usikuuno, ise tikuromba kuti Imwe mutipenge ise mutu pa makani agha. Ndipo nkhuromba kuti Mzimu Mutuwa uvumbure ku mitima yithu vinthu ivyo vingamanya kuwa viweme na vyakukondweska kwa Chiuta. Pakuti ise tikuromba ichi mu Zina la Yesu. Amen.

¹⁹ Imwe mukumanya, nkugomezga ine nditimufumbaninge imwe kuti muchite chinyakhe. Ine—ine kanandinandi nkufumba vinthu vinyakhe vyachilendo, ndipo ine nkugomezga ine nkufumba chinyakhe chachilendo chomene chara. Kweni para ise tikupangana kupereka ntchindi ku ndembera, ise tose tikuyimirira. Ndipo—ndipo para ndembera yikujumpha kufupi, ise tikuyimirira; cheneicho, ise tikwenera. Ndipo ise tikuyimirira, kupereka ntchindi. Tiyeni ise tiyimirire pa marundi ghithu apo ise tikuwazga Mazgu, usange imwe mungachita, Wakorinte Wachiwiri 3:6.

Mweneuyo...wali kutipanga ise wateweti wakwenerera wa phangano lippa; la lembo chara, kweni la mzimu: pakuti lembo likukoma, kweni mzimu ukupereka umoyo.

Kweni usange—kweni usange uteweti wa nyifwa, wakulembeka na kuzongeka pa mawe, ukaŵa na uchindami, nthaura kuti ŵana wa Israyeli wakawura kumanya kudodoliska chisko cha Moses chifukwa cha uchindami wa chisko chakhe; uchindami weneuwo ukaŵa wakumara:

Kasi uteweti wa mzimu uti uwenge na uchindami kwakuruxa chomene?

Pakuti usange uteweti wa kasukiro uli na uchindami, wantheura ukuruska chomene uteweti wa kunyoroka mu uchindami.

Pakuti nanga ndi icho chikazgoka chakuchindamiskika chikaŵavaye uchindami mu nthowa iyi, mwa vifukwa vya uchindami uwo ukuruska.

Pakuti usange chira cheneicho chimarengwe chikaŵa na uchindami, ipo . . . panji kuli uli na icho chikukhalilira mu uchindami.

Pakuwona kuti ise tiri nacho chigomezgo cha kuŵa nthoura, tiri a chikanga chikuru pa kuyowoya.

Ndipo ngati ndi Moses chara, mweneuyo wakaŵika chidiko pa chisko chakhe, mwakuti ŵana ŵa Israyeli ŵaleke kudodoliska ku umaliro wa icho chikamaranga:

Kweni maghanoghano ghawo ghakabulumutizgika: pakuti mpaka kufika kuno ku lero chikukhaliria chidiko chenechira chambura kubenuka mu kuŵerenga za phangano lamwaka; chidiko cheneicho chiri kumalira mwa Khristu.

Kweni nanga kuŵe kuno ku lero, penepapo Moses wakuŵazgika, chidiko chikudikika pa mitima yawo.

Kweni para ichi chizamkung'anamukira kwa Fumu, chidiko chizamkuwuskikako. Chara . . .

Sono Fumu ndi Mzimu ula: ndipo kwenekuko kuli Mzimu wa Fumu, kwenekuko kuli wanangwa.

Kweni ise tose, na visko vyambura kudikika tikulaŵiska nga ndi mu galasi lauchindami la Fumu, kusinthikira ku chilinganzigo chimoza pera kufuma ku uchindami kuruta ku uchindami, nanga uŵe Mzimu wa Fumu.

²⁰ Ndipo mu Ŵafilipi 2, ise tikuŵerenga ichi, kuyambira pa vesi lakudanga, nakuŵerenga mpaka ku vesi eyiti.

Usange—usange kaliko kachiskiro mwa Khristu, usange kuli chikhwimisko cha kutemwa, . . . wenenawene wa mzimu, usange chiriko chiuravi cha lusungu, Fiskani kukondwa kwane, kuti muyane mtima, kuŵa na kutemwa kumoza, kuŵa na khumbo limoza, na lingaliro limoza.

Paŵavaye kalikose kachitikire mu mphindano panji mu kujikuzga; kweni mu kujiyuyura kwa mtima munthu walioyose wapime ŵanyakhe ŵakuru kuruska mwene.

Munthu yose kupwerera vyakhe pera chara, kweni munthu walioyose pa . . . vinthu vya ŵanyakhe.

Zomerezgani mtima uwo uŵe mwa imwe, weneuwoso ukaŵa mwa Khristu Yesu:

Mweneuyo pakuŵa mu kaŵiro ka Chiuta, wakapima ich kuŵa chakuphanga chara kuŵa wakulingana na Chiuta:

Kweni wakajipangira kwa iyoyekha wambura uchindami, ndipo wakajitorera pa iyomwene kaĩwiro ka muzga, ndipo wakapangika mu chikozgo cha wanthu:

Ndipo pakuti wakawoneka mu kulingana na munthu, wakajiyuyura yekha, ndipo wakazgoka wakupulikira ku nyifwa, nanga ndi nyifwa ya mphinjika.

21 Tiyeni ise tirombe.

22 Wadada muli Kuchanya, Lizgu likuru ilo lawazgika, usikuuno, kufuma mu Malemba Ghinu Ghatuwa, ghapangani Igho kuwa gheneko ku mitima yithu, kuti ise tilute kufuma pano ngati ndi wara wakafumanga ku Emausi, kuti, “Kasi mitima yithu yagoleranga chara mkati mwa ise apo Iyo wayowoyanga kwa ise munthowa?” Pakuti ise tikuromba ichi mu Zina la Yesu. Amen.

Imwe mungamanya kukhala pasi.

23 Sono, agha ndi makani ghakuziziswa chomene, kweni ine nkughanaghana agha ngakukwana chomene pa malo agha. Ine nkukhumbanga kuyowoya pa chisambizgo chakuti: *Chiuta Mwenenkhongonozose Kuvumbukwa Kwa Ise.*

24 Sono, kufumira apo munthu wakati waŵako, mwakhala mukuwa njara mu mtima wa munthu, kuti wamanye: uko iyo wakafumira; ndipo chifukwa chakhe ntchichi chakuwira kuno; na uko iyo wakuruta. Pali Yumoza pera uyo wangamanya kuzgora icho, uyu ndi Yumoza Mweneuyo wakamutorera iyo kuno. Ndipo munthu nyengozose wakhala wakukhumba kuti wamuwone Chiuta.

25 Uko ku Testamenti Lakale, ise tikusanga kuti Chiuta wakajibisa Iyomwene ku wambura kugomezga. Chiuta wali na kachitiro kakuziziswa chomene pakuchita na wanthu. Iyo wakujibisa Iyomwene ku wambura kugomezga ndipo wakujivumbura Iyomwene ku wakugomezga. Chiuta wakuchita icho. Yesu wakaŵawonga Wawiske, kuti, “Iyo wakabisa vinthu ivi kufuma ku wavinjeru na wakuchenjera, ndipo wakamanya kuvumbura Ichi ku wanichi awo wangamanya kuvisambira.” Ntheura, ise tikusanga kuti Chiuta wakusintho chara, mu kaŵiro Kakhe, ndipo Iyo nyengozose wakuchita mlimo Wakhe mwakuyana. Ise tikusanga kuti, mu Malaki 3, kuti Iyo wakati, “Ine ndine Chiuta, ndipo Ine nkhusintha chara.” Ntheura, Iyo wali na kachitiro kamoza, nyengo zose.

26 Sono ise titore limoza la mabuku ghakale chomene gha Baibolo. Para Job, yumoza wa wanthu warunji chomene wa mu nyengo yakhe, munthu wakufikapo mu malango gha Chiuta, muteweti, wakuchindikika, muteweti wakuchindikika, mpaka Chiuta wakati, “Kuliye wakuyana na iyo, mu charu chapasi.” Kweni...khumbiro lakhe, nyengo yimoza, wakakhumba kumuwona Chiuta. Iyo wakamanya kuti kukaŵa Chiuta, ndipo iyo wakawona kuti ngati wangamukhwaska Iyo,

panyakhe, mukachitiro kanyakhe, kuluta ku nyumba Yakhe na kukankhung'uska pa muryango, na kuti, "Ine nkikhumba kuti ndiyowoye na Imwe." Kukhala pasi, kuyowoya na Iyo, ngati ndiumo ise tingamanya kuchitira yumoza na munyakhe.

²⁷ Ise tiri nako kapulikiskiro. Ndicho chifukwa ise tiri mu misonkhano iyi, kwenekuko ise tikwiza pamoza na—na kuwoneska maghanoghano githu. Ndipo—ndipo ise tikupulikiskana yumoza na munyakhe, makora, para ise tikudumbirana vinthu mwakupulikana yumoza na munyakhe. Ndipo wapharazgi wakuchichita icho. Wanthu wa mitundu yose ya umoyo wakuchita ichi, kudumbirana vinthu mwakupulikana.

²⁸ Ndipo, Job, Chiuta wakaŵako nadi kwa iyo, iyo wakakhumbanga kuti wasange usange iyo nthena wakaruta chara, kukakhung'uska pa muryango Wakhe, na—na kuŵa na—na kufumbana na Iyo.

²⁹ Kweni ise tikusanga kuti Chiuta wakayowoya nadi kwa iyo, kweni Iyo wakaŵa wakubenekerereka. Iyo wakabenekerereka mu kaŵonekero ka kavuluvulu. Ndipo Iyo wakamuphalira Job kuti wavware zikhole; Iyo wakati wayowoyenge kwa iyo, ngati munthu. Ndipo Iyo wakakhira pasi mu kavuluvulu ndipo—ndipo wakayowoya kwa Job. Ndipo Iyo wakajimanyiska kwa Job kwizira mu kavuluvulu, ndipouli iyo wakamuwona chara Iyo. Iyo wapulikanga waka kuputa kwa mphepo na kuzunguliranga kosekose, mukati mu makuni. Ndipo Lizgu likafumira mu kavuluvulu, kweni Chiuta wakabenekerereka mukati mu kavuluvulu.

³⁰ Ise tikusanga, uko ku Africa, South Africa, iŵo wakugwiriska ntchito lizgu *amoyah*, ilo likung'anamura, "nkhongono yambura kuwoneka."

³¹ Ndipo nkhongono iyi yambura kuwoneka, mu mukavuluvulu, yikaŵa na Mazgu ghakupulikikwa. Agha ghakayowoya kwa Job, ndipouli iyo wakawona chara kaŵiro Kakhe. Kweni Iyo wakabenekerereka, kwa iyo, na kavuluvulu.

³² Ise tikusanga yumoza wa waprofeti wakuru wa mu Baibolo, Moses, wa Testament Lakale, yumoza wa wakusoreka na Chiuta, wakusankhika, muteweti wakumanyikwirathu, iyo nayoso wakakhumba kuti wamuwone Iyo. Iyo wakaŵa kufupi chomene na Iyo, ndipo wakawona vinthu vinandi chomene vya nkhongono Yakhe yikuru ya mchindindi iyo yikayendanga panthazi pakhe kuchitanga vinthu ivyo Chiuta pera wakamanya kuchita. Iyo wakakhumbisiska kuti wamuwone Iyo zuŵa limoza, ndipo Chiuta wakamuphalira iyo, "Ruta, ukayimirire pa jarawe."

³³ Ndipo wachali kuyimirira pa jarawe, Moses wakamuwona Iyo wakujumpha. Iyo wakawona ku msana kwa Iyo. Ndipo Iyo wakati, "Uku kukawoneka ngati munthu, kumsana kwa

munthu.” Ndipouli, iyo kuti wakawona Chiuta chara. Iyo wakawona chidiko cha Chiuta pera.

³⁴ Baibolo likati, “Kulije munthu wali kumuwona Chiuta pa nyengo yiriyose, kweni yekha pera Wakutemweka wa wa Wiske wali kumuwoneska Iyo.” Ntheura, Moses wakamuwona Iyo, wakubenekerereka, ngati Munthu. Ise tikusanga kuti Jehovah wa ku Testament Lakale wakaŵa Yesu wa Testament Lipya.

³⁵ Ndipo—ndipo Dr. Scofield apa, ise tikusanga kuti, lizgu lakhe, likusintha kufuma ku “kawonekero.” Ise tikusanga lizgu *en morphe*, mu Giriki, ilo likung’anamura “wambura kuwoneka wakazgoka wakuwoneka.” Chinyakhe icho chingachita chara. . . Ise tikumanya ichi chiriko. Ichi chingamanya ku. . . chingamanya kuwoneka chara, kweni ndipouli ise tikumanya kuti ichi chiriko. Ndipo para Iyo wakati wasintha kawonekero Kakhe, ka *en emorphe*, cheneicho chikung’anamura Iyo wakasintha kufuma ku wauzimu kuzgoka wathupi.

³⁶ Ndipo Iyo wakasintha waka kawonekero Kakhe, munthowa yinyakhe. Ichi chiri ngati seŵero. Iyo wakawoneskeranga waka. Ndipo mu Chigiriki, para iŵo ŵakasinthanga mawonekero ghawo, panyakhe seŵero limoza, wakuseŵera yumoza wakamanyanga kuseŵera mu vigaŵa vinandi vyakupambanapambana.

³⁷ Ndipo mwana wane mwanakazi, walimo muno, iŵo ŵakaŵa nalo ku sukulu Yapachanya se—seŵero. Ndipo mnyamata yumoza uyo ine nkhumumanya, wakaseŵera pafupifupi vigaŵa vinayi, kweni iyo wakamanyanga kuruta kuseri kwa pakuseŵerera na kukasintha chakhe—chakuvwara chakhe, mwakuti wangamanya kusintha, kuti wazakayerezgereso wakuseŵera munyakhe.

³⁸ Sono, usange imwe mutorengi mauchimi gha Testament Lakale kukhwaskana na icho Mesiya wakwenera kuti wazakaŵe, imwe mungamanya kulinganizga ichi na umoyo wa Yesu, ndipo imwe mukumanya makoragheni icho Yesu wakaŵa. Iyo wakaŵa waka munthu wamba chara. Iyo wakaŵa Chiuta, *wambura kuwoneka*. Iyo wakasinthika kufuma—kufuma ku uzimu kuzgokera ku kawonekero ka thupi la Munthu. Ndipouli, Iyo wakaŵa Chiuta, kuwonekera muthupi, kubenekerereka na munthu, chidiko chathupi.

Ndipo imwe laŵiskani Testament Lakale.

³⁹ Ine—ine—ine nkhumanya kuti nkhuoyowoya ku gulu lakusakanikirana, usikuuno, kufuma ku vigaŵa vyakupambanapambana vya charu. Ndipo ise tiri pano kuti timanye. Kasi ise tiku—kasi ise tikuchita vichi? Kasi—kasi ise ndise ŵanjani? Kasi ise tikuyankhu? Kasi ntchivichi chikuchitika? Kasi chose ichi chikung’anamura vichi?

⁴⁰ Ndipo sono ise tikusanga, mukati muno, kuti, ŵanarumi ŵachoko ŵa Chiyuda na ŵanakazi, na ŵakutanthauzira mu—

mu—mu tempile, mu mazuwa agho ghali kuluta. Usange iwo wakarondezungenge Baibolo, mauchimi, m'malo mwa midauko, iwo wakati wamanyenge Yesu wakuwa njani. Iwo nthena wakamuzunura Iyo Bezebule chara. Iwo nthena wakamupayika chara Iyo. Kweni, chose ichi chikayenera kuti chichitike. Ichi ndi chigawa cha sewero. Ndipo iwo wakabulumutizgika, pa nkhani iyi.

⁴¹ Ichi chiri ngati wanandi imwe wanarumi, wanakazi, muno usikuuno, panyakhe wa nthanga zane panji walarako pachoko. Imwe mukukumbukira, kuno ku America, virimika vyajumpha, pambere... Wa Chaina... m'bale wane, awo wakayamba kukhala kuno, weneawo wangwiza ku maghanoghano ghane apo ine nayowoyanga kwa iyo. Umo iwo wakachitiranga... Iwo wakatondekanga kuyowoya Chingerezi, ndipo iwo—iwo wakayendeskanga bizinesi ya kuchapa. Ndipo imwe mukuluta kwakuchapiskira kwakhe, kuti mukachapiske vyinu. Wa—Wanarumi wa Chichaina wakuchapa wakamanyanga kutora pepara, ndipo wakamanyanga kulikerura ili mu nthowa yinyakhe. Imwe mukutora lwandi limoza la pepara; iyo wakamanyanga kutora lwandi linyakhe. Kweni para imwe mukwiza kwizakatora vinthu vinu, viga wa viwiri vya mapepara ghara ghakayenera kulumikazana. Ndipo usange igho ghakalumikizana ndendende chara... Imwe mukamanyanga kuyerezgera ichi ndendende chara mu nthowa yiriyose, chifukwa iyo wakuwa na lwandi limoza ndipo imwe muka wa na lwandi linyakhe. Ndipo usange ivi vikalinganenge... Ntheura imwe mukuwa nawo ufulu wakukatora ivyo vika wa vinu. Ndipo ntheura imwe mukuwa na icho chikawa chinu, para imwe muli na lwandi linyakhe la phangano.

⁴² Ntheura ndimo kuliri, usikuuno, para ise tiri na lwandi linyakhe la phangano. Para, Chiuta wakapalura Mwana Wakhe pawiri, pa Mphinjika, kutorera thupi kuchanya kuwa Sembe, ndipo wakatumama Mzimu pasi kwa ise, uwo panyengo yimoza ukakhala mwa Munthu, Yesu. Chiuta mweneyura wali mu kubenekereka usikuuno, mu kawonekero ka Mzimu Mutuwa. Viga wa viwiri vira vikwenera kwiza pamoza, ntheura imwe mukuwa gawo la phangano. Chiuta wakachita ichi, kuti wamanyikwe makora kwa munthu, para Iyo wakajizgora Yekha Munthu.

⁴³ Ine nkawerenganga nkhani, virimika vinyakhe vyajumpha. Ndipo mu nkhani iyi, yikati yikuru, fumu yakuchindikika... Ine naluwa zina la iyo, sonosono waka. Ine naghanaghananga za kuyiyowoya nkhani chara. Iyi, panyakhe njautesi, kweni iyi yikutironzogera ise ku fundo iyo yikutipa ise chiyambi cha icho ise tikukhumba kuti tiyowoye. Fumu iyi, yikawa fumu ya kuchindikika chomene, ndipo yakutemwa chomene wanthu wakhe, mpaka, zuwa limoza, pamaso pa—pa mlonda wakhe

na wakumuchindika wakhe, iyo yikati, “Muhanyauno, imwe mukundiwona ine kwa nyengo ya umaliro, pa virimika vinandi.”

44 Ndipo mlonda wakhe na wakuchindikika wakhe wakati kwa iyo, “Fumu yiweme, ntchifukwa uli imwe mukuyowoya nthaura? Kasi imwe mukuluta ku charu chachilendo, kunyakhe, na kukazgoka mlendo?”

45 Iyo yikati, “Chara. Ine nikhallenge nkhanira kwenekuno. Enya,” yikati, “ine nifumengepo pakati pa wanthu wane. Ine nkholuta kuyakazgoka mukavu. Ine nkholuta kuya kadumura nkhu ni na wakudumura nkhu ni. Ine nkholuta ku—kukalima munda na wakulima. Ine nkholuta kuya kaphata mpheka na awo wakuphata mpheka. Ine nkholuta kuyakakhala yumoza wa iwo, mwakuti ndipanikizge makora nkhanira icho iwo wakuchita. Ndipo ine nkhuwatemwa iwo. Ndipo ine nkhu kumba kuti ndizgo werane nawo chomene iwo, ndekha. Iwo wamkundimanya chara ine. Kweni, ndipouli, ine nkhu kumba kuti nkhamanyane nawo iwo, mu nthowa yenyira.”

46 Ndipo mlenji wakurondezgana, para nduna zakhe, wanthu wakhe wose wakati wayiwona iyi, panji awo waka wa mu nyumba yaufumu, yikuvura mphumphu yakhe yaufumu na kuyiwika pasi pa mpando, waufumu; na kuvura munjirira wakhe, na kuvwara malaya gha mukavu, kufumira kuwaro pamoza na wanthu wamba.

Sono, mu nkhanu yichoko iyi, ise tikusanga nthaura za Chiuta.

47 Iwo wakayowoya kwa Fumu, wakati, “Fumu, ise tikumukhumbani imwe. Ise tikumutemwani imwe. Ise—ise tikukhumba imwe mukhalirire fumu.” Kweni iyi yikakhumbanga kuti yiwe yumoza wa iwo, kuwamanya iwo makora, kuti iwo wayimanye iyo makora, nadi icho iyo yika wa. Ichi chikati chiwoneskenge kwa iwo icho nadi iyo yika wa.

48 Ndipo ichi ndicho Chiuta wakachita. Iyo—Iyo wakajisinha Yekha, kufuma kuwa Yehova Chiuta, kuzgoka yumoza wa ise, mwakuti Iyo wangamanya kusuzgika, Iyo wakayenera kuyila wa nyifwa, Iyo mwakuti wamanye kuti kasi liwozga la nyifwa ntchichi, na kujitolera chilango cha nyifwa pa Iyomwene. Iyo waka wika pamphepete Yakhe—Mphumphu Yakhe na Munjirira Wakhe, ndipo wakazgoka yumoza wa ise. Iyo wakachapa marundi na wa—na wakunyozeke. Iyo wakakhala mu mahema, na wakavu. Iyo wakagona mu—mu mapopa na mu misewu, na awo waka wa wambura kumanyikwa. Iyo wakazgoka yumoza wa ise, mwakuti Iyo wangamanya kutipulikiska ise makora, na kuti ise timupulikiske Iyo makora.

49 Sono, ine nkhuhanaghana, mu icho, ise tikusanga kuti, kujisinha, Iyomwene, icho Iyo wakachita. Usange imwe mungala wiska, Iyo wakiza mu zina la wana wanarumi watatu.

Iyo wakiza mu zina la Mwana wa munthu, na mu Mwana wa Chiuta, na Mwana wa Davide. Iyo wakiza ngati ndi Mwana wa munthu.

⁵⁰ Sono, mu Ezekiel 2:3, Yehova, Iyomwene, wakamuchema Ezekiel, muprofeti, “mwana wa munthu.”

⁵¹ *Mwana wa munthu* chikung’anamura “muprofeti.” Iyo wakayenera kwiza mu nthowa yira, kuti wakwaniriske Deutoronome 18:15, icho Moses wakati, “Yehova Chiuta winu wazamkuwuska pakati pinu muprofeti wakukozgana na ine.” Iyo wakajizunura Iyomwene Mwana wa Chiuta chara. Iyo wakajilinganizga kwa Iyomwene, “Mwana wa munthu,” chifukwa Iyo wakayenera kwiza kwakulingana na Lemba. Mukuwona? Iyo wakayenera kupanga tumapepara tuwiri twakukerura tura, uchimi wa Testament Lakale na ukhaliro Wakhe Yekha, kuwa nkhanira wakuyana. Ntheura, Iyo wakiza, Mwana wa munthu, wakiza mu kawiro ako.

⁵² Ntheura ise tikusanga, yikati yajumpha nyifwa Yakhe, kusungika, na chiwuka, Iyo wakiza pa Zuwa la Pentekoste, ngati Mwana wa Chiuta; Chiuta, Mzimu, mu kawonekero, Mzimu Mutuwa. Kasi Iyo wakachitanga vichi? Iyo wakajisinthanga Iyomwene, kujipangiska Yekha kumanyikwa ku wanthu Wakhe mu kawonekero kanyakhe. Ngati, Mzimu Mutuwa, uyo ndi Chiuta, Iyo wakiza kuzakateweta kwizira mu miwiro ya mpingo, ngati ndi Mwana wa Chiuta, Mzimu Mutuwa.

⁵³ Kweni, mu Mileniyamu, Iyo wakwiza ngati Mwana wa Davide, kazakakhala pa chizumbe cha Davide, Fumu. Iyo wakayenera kutora chizumbe cha Davide. Iyo wali pa chizumbe cha Wawiske sono. Ndipo ntheura Iyo wakati, “Iyo mweneuyo wakutonda wazamukhala pamoza na Ine pa chizumbe Chane, ngati ndiumo Ine natondera ndipo nkukhala pa chizumbe cha Wadada Wane.” Ntheura, Iyo, mu Mileniyamu, Iyo wazamkuwa Mwana wa Davide. Kasi ichi ntchichi? Chiuta mweneyura, nyengo zose, kusinthanga waka Chakhe—chidiko Chakhe.

Ine ndine, ku muwoli wane, mufumu.

⁵⁴ Kasi imwe mukamanyanga? Mwanakazi wa Sirofonia wakati, “Imwe Mwana wa Davide, mundilengere lusungu.” Iyo, wakamusuzgapo chara Iyo, napachoko pose. Iyo wakaŵavye maufulu ghakumuchemera Iyo ntheura. Iyo wakaŵavye nkhangono za kumuzunura Iyo ngati Mwana wa Davide. Iyo—Iyo ndi Mwana wa Davide, ku waYuda. Ndipo sono Iyo wafika. . . Kweni para iyo wakamuzunura Iyo, “Fumu,” Iyo wakaŵa Fumu yakhe, ntheura iyo wapakoka icho iyo wakaromba.

Sono, umo, Iyo wakujsinthira Yekha.

⁵⁵ Sono, mu nyumba yane, ine ndine wanthu watatu wakupambana. Mu nyumba yane, mwanakazi wane wakundimanya ine ngati mufumu wakhe. Mwana wane mwanakazi uko, iyo walije nkhangono yakundizunurira ine

dada kuwa mufumu wakhe; ine ndine wiske wakhe. Ndipo mzukuru wane uyo apo, ine ndine sekuru kwa iyo, ntheura iyo walije ufulu wakundizunurira ine wakhe. Ine ndine wiske wakhe chara. Mwana wane mwanarumi ndiyo wiske wakhe. Ine ndine sekuru wakhe. Kweni ine ndichali munthu mweneyura.

⁵⁶ Ndipo Chiuta, icho Iyo wakuchita, Iyo wakujisinha waka Iyomwene, kuti wazgoke kuwa mphapu yira, kuti wajipangiske kumanyikwa Iyomwene ku wanthu wara. Ndipo ichi ndicho ise tiriri pano kuti tisange, usikuuno. Kasi ndi nthowa uli iyo Chiuta wakwenera kujimanyiskira Iyomwene ku wanthu Wakhe mu nyengo iyi? Iyo wakusinha kawonekero Kakhe, Iyo wakusinha kachitiro Kakhe, kweni Iyo wakusinha chara maghanoghano Ghakhe. Iyo wakusinha chara Kakhe—kawiro Kakhe. Iyo wakusinha waka kawonekero Kakhe pera, kufuma ku chimoza kuluta ku chinyakhe. Iyo wakuchita ichi, kuti wajivumbure Iyomwene pakweru chomene ku wanthu, mwakuti iwo wamanye Iyo ndinjani, na icho Iyo wali.

⁵⁷ Mu wahebere 1, ise tikuwerenga, “Chiuta, mu nyengo zakale na munthowa zakupambanapambana wakayowoya na wasekuru, kwizira mu waprofeti, kweni mu mazuwa ghaumaliro agha kwizira mu Mwana Wakhe, Yesu.”

⁵⁸ Sono, “Waprofeti,” Yesu wakati, para Iyo waka wa pano pasi, “iwo waka wa wachiuta. Imwe mukuwazunura iwo ‘wachiuta’ awo Mazgu gha Chiuta ghakizirako. Ndipo Malemba ghangaphwanyika chara,” Iyo wakayowoya. Wakati, “Kasi imwe mungamusuka uli Iyo, apo Iyo ndi Mwana wa Chiuta?” Mukuwona?

⁵⁹ Mazgu gha Chiuta ghali kuga wikira ku muwiro uli wose, icho Igho ghakwenera kuwa. Ndipo Yesu waka wa kufiskika kwa mauchimi ghose. “Mwa Iyo muli kuzura uzari wa Uchiuta muthupi.” Ichi chika wa mwa Iyo. Iyo ndi Yumoza Mweneyura waka wa mwa Yosefe. Iyo ndi Yumoza Mweneyura waka wa mwa Elija. Iyo ndi Yumoza Mweneyuro waka wa mwa Moses. Iyo ndi Yumoza Mweneyura waka wa mwa Davide, fumu yakukanika.

⁶⁰ Wanthu Wakhe yekha wakamukana Iyo, ngati fumu. Ndipo apo Iyo wakafumanga kuwaro kwa—kwa baraza, muchoko, munthu wakusuzgika wakakhwa wanga penepara, wakalitemwa chara lakhe—boma lakhe, kayendeskekero kakhe, ndipo iyo wakamuthunyira iyo. Ndipo mlonda wakasolora lupanga lwake, wakati, “Kasi ine ndilekererenge mutu wa galu ula pa iyo, kuthunyaranga pa fumu yane?”

⁶¹ Ndipo Davide, panji kwambura kumanya icho iyo wakachitanga pa nyengo yira, kweni iyo waka wa wakuzozgeka. Ndipo iyo wakati, “Mulekani yekha iyo. Chiuta wamuphalira iyo kuti wachite ichi.” Ndipo iyo wakakwera pachanya pa phiri ndipo wakalirira Yerusalemu, fumu yakukanika.

62 Kasi imwe mwanguwona? Virimika mahandiredi ghachoko kufumira para, Mwana wa Davide kuwa wakuthunyirikira, mu misewu, ndipo wakaŵa pa phiri, phiri lenelira, kulaŵiskanga pasi pa Yerusalemu, Fumu yakukanika. Ndipo wakachemerezga, “Yerusalemu, kasi ine nthena nangukufukatira kalinga iwe ngati ndiumo nkuku yikachitira na masumbi ghakhe, kweni iwe ukakhumba chara?”

63 Iyo wakasintha chara kaŵiro Kakhe, chifukwa ŵahebere 13:8 wakati, “Iyo ndi mweneyura pera mayiro, muhanyauno, na muyirayira.” Chiuta wakazgoka thupi, mwakuti wangamanya kufwa, kuti watiwombore ise ku kwananga. Ichi ndicho chifukwa Iyo wakajisinha Iyomwene, kuti wazgoke m—Munthu.

64 Ise tikuwona, mu Yohane Mutuŵa 12:20, Ŵagiriki ŵakapulika za Iyo. Sono, kulije munthu wangamanya kupulika za Iyo kwambura kuti mitima yawo yinwekere kumuwona Iyo. Ngati Job na ŵaprofeti ŵakale, iwo ŵose ŵakakhumbanga kuti ŵamuwone Iyo. Ntheura, Mugiriki uyu wakiza kuzakamuwona Iyo. Iŵo ŵakiza kwa Filipu, mweneuyo wakaŵa wa ku Betisida, ŵakati, “Bwana, ise tikukhumba kumuwona Yesu.”

65 Ŵagiriki ŵakakhumbanga kuti ŵamuwone Iyo, kweni iwo ŵakatondeka kumuwona Iyo chifukwa Iyo wakaŵa mu tempile Lakhe la umunthu. “Chiuta wakaŵa mwa Khristu, kuphemaniska charu kwa Iyoyekha.” Sono ise tikusanga kuti, mu ichi, Ŵagiriki aŵa ŵakatondeka kumuwona Iyo.

66 Ndipo wonani mazgu gheneagho Yesu wakayowoya kwa iŵo, pamanyuma. Iyo wakati, “Kwambura kuti mbewu ya tirigu yawa mu dongo, yikufwa, iyo yikukhala yekha.” Mu mazgu ghanyakhe, iŵo nthena ŵakamanya kumuwona chara Iyo mu kusinthika, mu chikopa icho Iyo wakaŵamo pa nyengo yira, chifukwa Iyo wakabenerereka mu thupi la munthu. Kweni para mbewu ya Tirigu yikati yawa mu dongo, ntheura iyi yitibabenge mitundu yose. Iyo wakatumika ku Ŵayuda, enya, pa nyengo yira. Kweni mbewu iyi ya Tirigu yikwenera kuwa; Chiuta wakabenerereka, mu thupi la munthu, kubisika ku ŵambura kugomezga, kweni kuŵa wakuvumbukwa ku ŵakugomezga.

67 Mu Yohane 1, “Mu mtendeko mukaŵa Mazgu, ndipo Mazgu ghakaŵa na Chiuta, ndipo Mazgu ghakaŵa Chiuta. Ndipo Mazgu ghakazgoka thupi, ndipo ghakakhala pamoza nase, ndipo ise tikamuwona Iyo, yekha pera Wakutemweka wa Ŵawiske, wakuzura na uchizi.” Sono, mu mtendeko mukaŵa Mazgu. Lizgu ndi ghanaghano lakuwonekera.

68 Mu mtendeko, Iyo wakaŵa Chiuta chara. Sono, lizgu lithu Muchingerezi muhanyauno, *Chiuta*, likung’anamura, “chinthu cha kusopeka.” Chiri chakutumbanizga uli ku maghanoghano. Imwe mungamanya kumupanga kuŵa chiuta. Imwe mungamanya kupanga chirichose kuŵa chiuta.

⁶⁹ Kweni mu Testament Lakale, mu Genesis 1, “Mu mtendeko *Chiuta*,” lizgu likugwiriskika ndi, Elohim. *Elohim* chikung’anamura “kajilengi Yura.” Ndi mphambano uli lizgu lakuti Elohim liri nayo, ku lizgu lithu lakuti Chiuta. *Elohim* likung’anamura “kajilenge Yura.”

⁷⁰ Ise tingawa wakajilengi chara. Ise tingawa wankhongonozose chara, wambura mphaka, wakusangika posepose, wakumanya vyose. Kajilengi Yura wakuwoneskera vyose ivi. Ise tingawa nthura chara. Khuni ilo mukutora na kupanga chiuta kufuma kwa ilo, panji nyu-panji nyumba, ilo likajilenga lekha chara.

⁷¹ Nthura, Chiuta, mu mtendeko, wakaŵa Umoyo, Yumoza Wamuyirayira. Mwa Iyo mukaŵa ukhaliro, ndipo maukhaliro ghara ghakazgkoka Mazgu, ndipo Mazgu ghakazgoka thupi. Yesu wakaŵa Muwomboli. Ndipo *kuwombola*, kukung’anamura, “kuwezgeraposo.” Usange Iyo wakayenera kuti wachiwezgerepo ichi, ichi chikayenera kuti chikaŵa kunyakhe kuti chiwezgerekeso uko chikaŵa. Nthura, imwe wonani, wanthu wose wangamanya kuzakachiwona chara ichi, chifukwa wanthu wose wakaŵako ku mtendeko chara mu maghanoghano gha Chiuta. Mukuwona?

⁷² Laŵiskani ku wasembe. Para iŵo wakumuwona Iyo wakajilongora Iyoyekha nkhanira ndendende na Mazgu, icho Iyo wakaŵa, iŵo wakati, “Uyu ndi Bezezebule.” Chira chikarongora apo kaŵiro kawo kakaŵa. Ichi chikaŵa mukughanaghana kupya kwa nyengo ya sono.

⁷³ Kweni para muzaghali muchoko, mweneuyo Iyo wakakumana nayo pa chipata, ndipo wakamuphalira iyo, wakarongora chimanyikwiro cha umesiya Wakhe, pa kumuphalira iyo icho iyo wakachita. “Chifukwa,” iyo wakati, “Bwana, ine nkhuwona kuti Imwe ndimwe Muprofeti. Ise tikumanya, Mesiya, para Iyo wafika, Iyo wazamkutiphalira ise vintu vyose ivi.” Iyo wakamumanya Iyo ngati ndi Mesiya, wakuzozgeka Yura, chifukwa Iyo wakawaniriska vyakukhumbikwa vya Malemba. Kasi imwe mukuwona chara? [Gulu likuti, “Amen.”—Munozgi.] Vigaŵa viŵiri vya mapepara vikizanga pamoza. Iyo, “Ise tikumanya kuti, para Mesiya wafika.”

⁷⁴ Sono, Chiuta panji wakayenera kuti wasazge *ichi* na *icho*, kuti wapulike kulira kunyakhe uku kwa belu, ngati ndi wakuwumba. Kweni para Yesu wakati wang’anamuka, wakati, “Ine ndine Iyo mweneuyo wakuyowoya na iwe,” para pakaŵavye kayowoyero kakuti “Bezezebule.” Iyo wakasida chiŵiya chakhe cha maji, wakachimbirira mu msumba, ndipo wakati, “Zaninge, mumuwone Munthu Uyo wandiphalira ine ivyo ine nachita. Asi Uyu ndi Mesiya mweneyura?” Mukuwona?

⁷⁵ Sono, ntchichi chikachita ichi? Kuwika Lemba lakale pamoza na vyakukumana navyo ivyo—ivyo Yesu wakaperekanga kwa iyo, kasi ichi chikachita vichi? Ichi chikapanga Mesiya. Ndipo kasi imwe mwanguwona? Mwaluwiro, zakwananga zakhe zikagowokereka, chifukwa, pa kudanga, iyo wakaŵa wakuwomboreka, chifukwa iyo wakaŵa mu maghanoghano gha Chiuta pa kudanga. Ntheura, ichi chikamuwombora iyo, panji chikamuwezgeraso iyo kunyuma, para iyo wakati wawona Lemba lakuyowoyeka likufiskika, la Yehova, icho Iyo wakaŵa, icho Iyo wali.

⁷⁶ Sono, para Yesu wakwiza, usange Iyo wakizenge na uthenga wa Nowa, ichi nthena chikagwira ntchito chara. Kuti wamange ngaraŵa, ndipo yiyenjame, ichi nthena chikagwira ntchito chara. Kweni Nowa yura wakaŵa gawo la Chiuta. Iyo wakachita mwakuziziswa pakuti iyo wakaŵa wakuziziswa, ndipo uthenga wakhe ukaŵa wakuziziswa chifukwa ghara ghakaŵa Mazgu ghakuwonekera.

⁷⁷ Iyo nthena wakiza na uthenga wa Moses chara, chifukwa ichi chikati chigwirenge ntchito chara. Moses wakaŵa Chiuta, mu gawo, kuŵa wakuwonekera. Iyo wakaŵa mazgu ghakuwonekera pa nyengo yira, kweni Yesu nthena wakiza mu ula chara. Baibolo likayowoyapo chara kuti Iyo nthena wakiza mu nthowa yira.

⁷⁸ Kweni para Iyo wakati wafika, wakawonekera ndendende ngati ndi-ndiumo Testazment likayowoyera Iyo wazamkuwonekera, ntheura wose aŵo ŵakaŵa ŵakuwomboreka ŵakagomezga Ichi, chifukwa iŵo ŵakaŵa maghanoghano gha Chiuta. Maukhaliro gha Iyo mu mtendeko ghakazgoka thupi, ndiposo ghakuwomboreka, ndipo wakawezgeraso kwa Chiuta. “Wanandi awo ŵakamupokerera Iyo, kwa iŵo Iyo wakapereka nkhongono kuti ŵazgoke ŵana ŵa Chiuta,” chifukwa iwo ŵakaŵa ŵakuwomboreka. Iŵo ŵakafumira ku mtendeko, mu kuwonekera.

⁷⁹ Usange ise tingalekezgera apa pa nyengo yichoko, usange ichi chingawa chamachitiko, na kughanaghana za icho, usikuuno, za Uthenga wa nyengo iyi, maghanoghano ghakuwonekera gha Yehova. “Pambere malufura gha charu ghandaweko,” ise tiri kuphalirika, “mazina ghitu ghakalembeka mu Buku la Mwanamberere Wamoyo.” Ntheura ise tingamanya kuwona vigaŵa viwiri, umo ine nanguyowoyera pakudanga, chifukwa icho yumoza ngwambula kupulikiskika kwa munyakhe. Ichi chikwenera kuŵa mwantheura. Ndimu kukaŵira nyengozose. Ichi nyengozose chakhala chikua mwantheura, ndipo nyengozose chiwenge mwantheura. “Iyo wakaŵa Mazgu. Ndipo Mazgu ghakazgoka thupi ndipo ghakakhala pamoza nase.”

⁸⁰ Sono, Chiuta, mu. . . kale mu mazuŵa gha Testament Lakale, ise tikusanga kuti para Iyo wakati wawonekera ku wanthu

Wakhe, mu kawiro kakupambanapambana, Iyo wakajibisa Iyoyekha kuseri kwa vikumba vya nyama. Chiuta kubisamanga kuseri kwa vikumba vyakale vya nyama, pa mpando Wakhe wa lusungu. Ise tikusanga kuti, umo kuti Solomon, para iyo wakati waliwikizga tempile la Fumu, ndipo vikumba vya nyama ivi vikalenderanga kwenekula, chidiko, umo Iyo wakanjirira mukati ngati Lawi la Moto ndipo ngati ndi Bingu, ndipo wakaluta kudera kwenekula, ndipo wakajibisa Iyoyekha, ku wanthu wakuwaro. Kweni, mwa chipulikano, Israyeli wakamanya kuti Iyo wakaŵa kunyuma kula. Iwo wakamanya Iyo wakaŵako kwenekula, kwambura kupwererako za icho waliyose wachikunja wa kucharu wakamanya kuyowoya. Iyo wakabisika ku wambura kugomezga. Kweni wakugomezga, mwa chipulikano, wakamanya Iyo wakaŵa kunyuma kula. Iwo wakawa na lusungu. Ndipo Iyo wakaŵa pa mpando Wakhe wa lusungu, icho chikaŵa chisisi chikuru chomene.

⁸¹ Imwe mukumanya, mu Testament Lakale, kunjira kunyuma kwa chikumba chira yikaŵa nyifwa. Sono kukhala kunyuma kwa ichi ndi nyifwa. Ntheura kunjira mu Uchindami Wakhe yikaŵa nyifwa. Sono kukhala kutali na Uchindami Wakhe ndi nyifwa. Chira chikachitika, enya, pakuparuka kwa chidiko para pa Mphinjika, apo chidiko chikaparuka, chidiko chakale. Sono kukhala kuwaro kwa Uwapo Wakhe ndi nyifwa. Ntheura kunjira mu Uwapo Wakhe yikaŵa nyifwa. Mukuwona? Ichi chikusinthira kunyuma na kunthazi, ndipo mukwenera kuti musange Malemba mwakuti muwone kasi ndi nyengo uli iyo ise tikukhalamo.

⁸² Sono, para chidiko chikati chaparuka pa Mphinjika, mpando wa lusungu ukawonekera pakweru. (Kweni kasi kukachitikachi? Chira chikalenderanga pa Mphinjika, kusuluranga Ndopa.) Umo iwo wakatoreranga ndopa, chaka na chaka, pa kutuwiska nyumba yakusoperamo na pa kuwazgira pa mpando wa lusungu, kwenekula, Chiuta, na kutimba Kwakhe kukuru kwa nkhongono ya kuwara kwa leza, kukaparura chikumba chakale kufuma pachanya mpaka pasi, ndipo mpando wa lusungu ukiza na kuwonekera pakweru.

⁸³ Yeneko, Mberere yeneko ya Chiuta yikalenderanga pakuwonekera pakweru pa Mphinjika, Mpando weneko wa Lusungu, para Chiuta wakati walipira mtengo, Iyoyekha; ndipo wakazgoka yumoya wa ise, ndipo wakajirongola Iyoyekha ngati ndi Munthu, kuti watimanye makora ise, ndipo ise nase timumanye makora Iyo. Mpando wa Lusungu ukaŵa pakuwonekera pakweru ku wose wa Israyeli pa zuwa lira la Chigowokero.

⁸⁴ Kweni, mwasoka, midauko ya walara wa mpingo mu nyengo yira yika, na midauko yaŵo, yikabisa Mpando weneko wa Lusungu kufuma ku wanthu. Usange iwo wakaghamanyenge

Malemba, chiduswa chirichose chikayenera kuti chiyananane ngati ndi chiduswa cha pepara la Chichaina. Uchimi wa Testament Lakale nthena ukafiskika, ndipo uwu ukafiskika. Ndipo usange iŵo ŵakasambizgikenge Lemba, iŵo nthena ŵakawuwona Mpando wa Lusungu. “Umo Moses,” wakayowoya apa, kuti, “kufikirira ku zuŵa ili iŵo mbakubenekerereka. Ichi chichali ndithu pa mitima yaŵo.” Iŵo ŵakuchiwona chara Ichi.

⁸⁵ Kweni, Iyo wakaŵa Chiuta, kutombozgeka na Chigowokero. Iyo wakaŵa Mpando weneko wa Lusungu kuyimirira pa kuwonekera nkhanira. Ngati ndiumo ise tanguyimbira sumu:

Henani, mulaŵiskani Iyo wakuwonekera
pakweru.
Uyo wali apo, wakatonda Wankhongono,
Kufumira apo Iyo wakaparulira chidiko
paŵiri.

⁸⁶ Wonani, Iyo wakiza, Mpando wa Lusungu, kulendera mukuwonekera pakweru ku gulu. Kweni iŵo, pakuŵa pasi pa fundo yimoza. . .

⁸⁷ Sono, ŵanarumi na ŵanakazi, na ŵimiriri ŵa ungoro uwu, ine nkhuukumba kuti ndiyowoye ichi kwambura kuchindika munthu. Kweni, mukawonekero ka muhanyauno, mukawonekero ka icho tafikirira pano muhanyauno, ine nkhuuchita wofi kuti midauko ya ŵadada ŵithu, ŵarara ŵa mipingo, yabisa Ichi kufuma ku ŵanthu ŵanandi chomene. Pakuti Mzimu Mutuŵa uli kwiza mu mazuŵa agha gha kuumaliro, umo chikachimikira, ndipo chidiko chiri kupalurika, ŵanthu ŵanandi chomene ŵakuyezga kuti ŵademerere ku midauko yawo ya ŵawiskewo. Ndipo ndicho chifukwa iŵo ŵakutondeka kuwona chimwemwe chikuru chomene ichi, na mtende, na ivyo Mpingo uli navyo muhanyauno. Ndipouli, Ichi chiri pakuwonekera pakweru ku aŵo ŵakugomezga.

Iyo wakaghabisa Mazgu, Mazgu ghanghangano gha nyengo iyi.

⁸⁸ Sono, midauko yiri kupanga chakutchinga. Iŵo ŵakuyowoya kuti mazuŵa gha minthondwe ghali kujumpha. Mwanarumi wakayowoya kwa ine, muweme, doda lakusambira ku Tucson, Arizona, uko ine nkhuukhala. Ine nkhaŵa na msonkhano pa Ramada. Ndipo ise tikayowoyanga pa ungoro Ukuru wa Ŵanarumi Ŵamalonda kwenekuko Fumu Yesu wakiza penepapo ndipo wakachita vinthu vikuru. Ndipo doda ili Likristu likiza kwa ine, ndipo likati. . . Mupharazgi wa pa mpingo, munthu muweme, ndipo iyo wakati, “M’bale Branham, iwe ukuyezga kuŵatorera ŵanthu ku muwiro wa ŵapostole,” iyo wakati, “ndipo apo muwiro wa ŵapostole uli kumala.”

⁸⁹ Ndipo ine nkhati, “ine nkhuukhweya iwe, m’bale wane, ndilongore ine apo muwiro wa ŵapostole ukamalira, mu Malemba.” Ine nkhati, “Muwiro wa ŵapostole ukayambira pa

Zuŵa la Pentekoste, ndipo uwu uli. . . Petros wakati, pa Zuŵa la Pentekoste, ‘Phangano liri kwa imwe, na ku ŵana ŵinu, na ku ŵose aŵo ŵali kutali, nanga ndi ŵanandi aŵo Fumu Chiuta withu wati wajichemere.’ Kasi uwu ukamala pauli? Usange Chiuta wachali kuchema, ipo muwiro wa ŵapostole uchali kuchitika.”

⁹⁰ Ndipo ntheura apa ndipo ŵanthu ŵakuyezga kuti ŵabulumutizge ŵanthu ŵanandi chomene, na midawuko ya ŵarara ŵaŵo, ngati ndiumo kukaŵira kale. Ndipo imwe mukutondeka kuti muwone chifukwa icho ŵanthu mbakukondwera chomene ndipo mbakukhumbisiska chomene. Ndipo—ndipo misonkhano iyi njakuziziswa nadi, chinthu chachilendo mwantheura, ku ŵanthu ŵanyakhe, ntchifukwa chakuti iŵo ŵakuwona kuti iŵo ŵakujumpha vyakujandizga vira. Iŵo ŵakujumpha vyakutchinga vira, kuluta pa Maso gha Chiuta, apo iŵo ŵakuwona phangano la kuwonekera la ora ili kuti likuwonekera pamaso gha ŵanthu. Iŵo ŵakuchiwona icho Chiuta wakalayizga.

⁹¹ Mu Joel 2:28, Iyo wakalayizga, kuti, “Mu mazuŵa agha ghaumaliro kuzamkuwa vura yaumaliro *kurokwerwa* pa ŵanthu ŵose, mu mazuŵa ghaumaliro.” Ine nkughanaghana lizgu mu Chigiriki apa ndi *Kenos* kung’anamura kuti Iyo “wakajikhuturira” Iyoyekha. Mu nthowa iyo ise tingamanya kuyowoyera mo chara kuti, ngati chinthu chinyakhe changuŵa mukati mwa munyaike, icho Iyo wakakhuturira. Kweni, Iyo wakajikhuturira Iyoyekha.

⁹² Iyo wakasintha; *ukajirengi* Wakhe. Iyo—Iyo wakasintha, kufuma ku icho Iyo wakaŵa, ku icho Iyo wali. Iyo wakusintha chara kaŵiro Kakhe. Kweni pa Zuŵa la Pentekoste, Iyo wakajisintha Iyoyekha kufuma ku Mwana wa munthu, kufika ku Mwana wa Chiuta. Iyo wakafika, *na* ŵanthu chara. Iyo wakiza *mu* ŵanthu, wonani, Chiuta mweneyura, kuti walutirizge utumiki Wakhe munthazi, mu muwiro ukulu uwu.

⁹³ Iyo wakachima mu Baibolo, kuti, “Litizenge zuŵa apo kuzamuŵavaye muhanya panji usiku, kweni mu nyengo ya namise kukwenera kuti kuŵeko Kungweruka.” Sono, zuŵa, mu geography, likufuma ku Vuma ndipo likunjira ku Zambwe. Ndi zuŵa lenelira, nyengozose. Sono, para, Mwana, M-w-a-n-a, wakajivumbura Iyoyekha mu kawonekero ka Mazgu ghangano, kwa Israyeli, ŵanthu ŵa ku Vuma.

⁹⁴ Ise tikaŵapo nalo zuŵa la mdima pachoko. Ise tikaŵapo nako kungweruka kwakukwanira nyengo ya ŵakusintha, na ŵanyakhe, kupanga mipingo na mabungwe, na kuŵajoyina iwo na kunjira; na kuŵafyofyontha ŵabonda, na kutezga ŵalara, na kusunga ŵakufwa, na vinyakhe ntheura; na kukhala mu mpingo.

⁹⁵ Kweni, mu nyengo ya namise, “Kuzamkuŵa Kungweruka,” Iyo wakati, “mu nyengo ya namise.” Ndipo palije Lemba ilo lingaphwanyika. Ndipo M-w-a-n-a mweneyura uyo wakajikhuthurira Iyoyekha, *kenos*, pa Zuŵa la Pentekoste, wakalayizga kuzakachita chinthu chimozi mu nyengo ya namise. Mukuwona? Ichi chikulingana na phangano.

⁹⁶ Ŵikani tumapepara pamoza. Wonani icho chikuchitika, ndipo wonani icho Iyo wakalayizga, ntheura imwe muwonenge apo ise tiri. Ŵikani chinthu ichi pamoza. Imwe mungamanya kuwona kuvumbukwa kwa Yumoza mukuru uyu wankhongono zose. Midauko yabulumutizga ŵanthu, kachiŵiri, ku vinthu ivi vikuru ivyo vikachimika.

⁹⁷ Moses, para iyo wakati wafika kufuma ku phiri, ilo likagoleranga Moto, nkhutowa uli kwa chiyezgero!

⁹⁸ Moses wakakhirira kula ku Egupto na kuyakaŵaphalira ŵalara ŵa mpingo kuti Fumu Chiuta wandiyendera mu zina lakuti “INE NDINE.” Zina lira ndakuti walipo sono; kuti “Ine nkhaŵa, ndizamkuŵa” chara. Kweni, “INE NDINE,” chimozi nyengozose, mweneyura pera mayiro, muhanyauno, na muyirayira. Iyo walipo sono. Iyo... Ichi chikulinganizgika na ŵahebere 13:8, “Yesu Khristu mweneyura pera mayiro, muhanyauno, na muyirayira.”

⁹⁹ Agha ghachali Mazgu ghauchimi. Ndipo, gulu, lira likayenera kuyana na Mazgu ghara, vyakukumana navyo vya zuŵa ili. Ŵakusinthwa ŵakaŵa nalo, o, kweni ili ndi zuŵa linyakhe. Wonani zuŵa leneilo ise tikukhalamo. Ngati ndiumo Iyo wakatondekera kufika, mu mazuŵa apo Iyo wakafikira pa charu chapasi, mu—munthowa iyo Moses wakiziramo, panji umo muprofeti waliyose wakizira; ichi chikachimika chara. Ndipo mu mazuŵa ghaumaliro agha, ichi chiri kuchimika kuti wafikenge munthowa iyi. Ichi chingamanya kwiza chara mu kawonekero ka chisisimuso cha Luther. Ichi chingamanya kwiza chara mu kawonekero ka chisisimuso cha Wesley. Ili ndi ora lakuwezgereska. Iyi ndi nyengo yakuti ichi chikwenera kuwereraso ku Kungweruka kwa Mwana kwapakudanga, pakudanga.

¹⁰⁰ O, umo ise tingamanya kuŵikira Malemba umu, pa icho! Ndipo imwe mukusambira vyauchiuta, kasi mukufumira chigaŵa ntchi cha charu, imwe mukamanya kuti Uwu mbunenesko. Ili ndi phangano. Ichi ndicho chikupangiska ŵanthu kuŵa ŵambura kupulikiskika chomene. Ichi ndicho chikupanga ŵanthu ŵambura kupulikiskika, awo imwe mukuŵazunura ntheura. Ndi chifukwa chakuti iŵo... ndi... chidiko chakubenurika, kufuma ku midawuko, ndipo iŵo ŵakuchiwona Ichi. Iyo ndi mweneyura pera mayiro, muhanyauno, na muyirayira. Mukuwona? Ili ndi—ndi phangano la Chiuta, ndipo ise tingalimbana nalo chara ilo, chifukwa

Malemba ghangamanya kuphwanyika chara. Enya. Ise tikusanga kuti Iyo wakalayizga chira. Iyo wakajikhaturira Iyoyekha mu wanthu Wakhe. Ndipo Iyo ndi mweneyura pera mayiro, muhanyauno, na muyirayira.

¹⁰¹ Moses, para iyo wakati waluta kula ku Egipto ndipo wakayowoya ichi, ntheura Wawiske wakakhozgera uthenga wakhe, mwakuchita kwiza pa Phiri la Sinai, mu Laŵi la Moto lenelira, ndipo wakakolezga moto pa Phiri. Kasi ise tanguchiwona? Yumoza kwa mweneuyo Iyo wakapereka layizgano, Iyo wakamutorera kula na Mazgu. Iyo wakaŵa na malango. Ndipo pakuŵa na dango ili, iyo waka... Malango ghakaŵa Mazgu. Mazgu ghakaŵa ghachali ghandafike ku wanthu. Ntheura, Mazgu nyengozose ghakwizira kwa muprofeti, ndipo Iyo wakaŵa muprofeti wa nyengo yira.

¹⁰² Mwachiyerezgero, Yesu wakaŵa Mazgu. Yohane wakaŵa muprofeti. Ndipo Yesu wakiza kwa Iyo, mula mu maji, chifukwa Mazgu nyengo zose ghakwiza kwa muprofeti, kwambura kutondeka. Mukuwona? Mazgu ghakwiza ku ichi.

¹⁰³ Ntheura, Moses, Mazgu ghakiza kwa iyo; malango. Ndipo iyo wakaŵa nagho. Sono, chifukwa? Pambere Mazgu ghakaŵa ghandaperekeke na kuŵa ghakuwonekera, Moses wakayenera kuti wabenekerere chisko chakhe, pakuti Mazgu ghakaŵa ghandawonekere nkhanira. Iŵo wakamanya chinyakhe chikachitika, kweni iŵo wakamanya chara kuti ichi chikaŵa chivichi, kubanguranga na kududumanga. Mpaka, iŵo wakati, "Zomerezgani Moses wayowoye, ndipo Chiuta chara."

¹⁰⁴ Ndipo Chiuta wakati, "Enya, Ine ndichitenge icho. Kufumira nyengo iyi, Ine ndiwonekerengeso mwantheura chara. Ine nditiwatumirenge iŵo waprofeti. Ntheura iyo wazamku... Ine ndiyowoyenge kwizira mu waprofeti Wane."

¹⁰⁵ Sono, usange Moses, na dango la kuthupi, (ngati Paulos, mu Wakorinte Wachiwiri apa, wavumbura kwa ise), wakayenera kubisa chisko chakhe na chakuthupi, kasi kuwenge uli na uchindami Wauzimu na kubenekerereka ku wambura kugomezga pambere ichi chindawonekere kwa iyo! Kasi iŵo wangamanya kuwazunura uli... Moses wakaŵa wambura kupulikiskika. Kasi iŵo wamuchemaninge uli imwe, mwaŵeneimwe mwaphwanya chidiko, mwanjira mu Laŵi la moto, mwafuma mwayegha Thumbiko! Ndipo sono imwe muli kubenekerereka. Wanthu wakuchiwona chara ichi. Iŵo wangapulikiska chara Ichi.

¹⁰⁶ "Usange chathupi chingaŵa chakuchindikika, kuwenge uli na chazimu! Usange chathupi, icho chikaŵa na umaliro ku ichi, chikayenera kuŵa chakuchindikika, kuzamkuŵa uli na Ichi cheneicho chilije umaliro ku ichi, chizamkuŵa cha kuchindikika!"

¹⁰⁷ Kweni, ndipouli, Ichi ntchakubenekerereka. Ichi ntchakubenekerereka ku wakugomezga chara, kweni ku wambura kugomezga. Iyo wangachiwona chara Ichi. Chiuta nyengozose wakujibisa Iyoyekha ku wambura kugomezga. Midauko yikuchibisa Ichi. Ngati ndiumo iwo wakachitira kale, iwo wakuchita ichi muhanyauno.

¹⁰⁸ Chira chikaŵa chidiko chauzimu icho ise tiri nacho sono, kwenekuko chidiko chathupi chikaŵa. Iwo mbakukhozgeka na muprofeti na Mazgu ghakulembeka, ntchimi, mweneuyo wakwiza na Mazgu ghakulembeka, kughapanga Igho kuŵa pakweru.

¹⁰⁹ Iwo wakamanya Mazgu ghakaŵako kula, kweni iwo wakamanya chara icho Igho ghakang'anamuranga. Ndipo Moses wakaghapanga Igho pakweru. Iyo wakati, "Dango ili likuyowoya *Ichi*, ndipo *ichi* ndicho chifukwa." Iyo wakaghapanga Igho ghakupulikikwa. Ndipo pambere Igho ghakaŵa ghandapangike kuŵa pakweru, Igho ghakaŵa ghakubisika.

¹¹⁰ Ndipo ntheura ndimo kuliri, muhanyauno, kubisika ku ŵanthu, mpaka Igho ghavumbukwe na kupangika kuŵa pakweru ku ŵanthu. Chiuta, Chiuta wankhongonozose, kubisika mu thupi la munthu, Mazgu. Wonani. Sono ise tikusanga kuti Igho ghakabisika ku wambura kugomezga, kweni ghakavumbukwa ku wakugomezga.

¹¹¹ Wonani, Moses wakayenera kuti wanjire mu Laŵi la Moto ili, yekha. Pakaŵavye munyakhe wakayenera kuruta na iyo. Ichi chikaŵa yayi...ichi...Kasi icho chikuyowoya vichi kwa ise? Kuti imwe mukunjira mu Ichi pakuchita kujoyina gulu la Pentekoste chara. Mukuwona? Iyo wakavumbura Ichi ku gulu chara. Iyo wakavumbura Ichi kwa waliyose payekha. Ndipo umo ndimo ichi chiliri muhanyauno. Imwe mukuti, "Ine ndiri wa m—mpingo. Ine—ine ndiri ku *uwu*." Kweni icho chigwirenge ntchito chara. Mukuwona?

¹¹² Ndipo kwa waliyose wakayezga kumurondezga Moses, kuchiyezgerera ichi, yikaŵa nyifwa. Ndipo ntheura ndimo kuliri muhanyauno, nyifwa ya ku uzimu, kuyezga kutorera ichi. Ichi ndicho ŵa . . .

¹¹³ Usikuuno, ise tikunjiramo, ŵayamba kuwoneka pakati pa magulu, ŵakuyerezgera kuthupi; munyakhe kuyezga kuchita ngati Ichi, na kukhala umoyo wa mtundu unyakhe; wangamanya kumwa, wangamanya kusuta, ŵazimayi ŵangamanya kukhala umoyo (uliwose) pafupifupi uliwose iwo ŵakukhumba kukhala, na kuyana na charu, na kukhala pa nyumba na kuwonerera television, na vinthu vya charu, ndipo ndipera kujizunura iwoŵekha ŵa Pentekoste. Iwo ŵakuyezga kutolera vya mwenimweni. Ichi chichali chindavumbukwe kwa iwo, ndithu. Para Ichi chavumbukwa, chikuzgoka chauchindami, ndipo chinyakhe chikuchifumiskamo icho mwa imwe para imwe

mukwenda mukunjira Mwenemula. Imwe mukuzgoka chidiko. Ndi . . . Ichi chingagwira ntchito chara. Ndipo kuyezgerera Ichi yikaŵa nyifwa.

114 Chidiko cha Moses; iyo wakaŵa Mazgu ghaumoyo ku ŵanthu. Ndipo muhanyauno, ŵanthu aŵo ŵabenekerereka ŵali chimozi. “Iŵo ndi makalata ghakulembeka, ghakuŵerengeka na ŵanthu ŵose.” Kalata *yipy*a chara; kweni Kalata iyo yiri kulembeka, ndipo sono yawonekera. Ndi—ndi ŵeneawo ŵakugomezga Mazgu ghaphangano la zuŵa ili, pa ŵeneawo Chiuta wakupungulira Mzimu Wakhe, pa ŵanthu ŵose, ndipo awo ndi makalata ghakulembeka. Ndipo para munthu wayamba kuyezgerera chira muthupithupi, chikumuwerera. Umoyo winu ukulongora icho imwe muli.

115 Nyengo yimoza kukaŵa munyamata, iyo wakasangika wali mu suzgo linyakhe. Iyo wakaŵa munyamata muweme, kweni iyo—yo wakaluta ku khoti. Ndipo mweruzgi wakati, “ine nkhukusanga iwe uli wakwananga. Ine nkhuenera kukulanga iwe kukhala umoyo wako wose mu gadi.”

116 Iyo wakati, “ine nkhukhumba kuwuyezga mlandu wane na wane.” Iyo wakati, “ine nkhukhumba kuwona mu ukaboni wane.”

117 Iyo wakati, “Iwe ulije ukaboni. Ukaboni wako ndiwo ukukususka iwe.”

118 Ndipo ichi ndimo chiliri muhanyauno, chifukwa icho mpingo undakulire ngati umo ukuyenera kuŵira. Ndi ukaboni. Ndi utesi. Ise tikwenera kuzgoka ŵakujipereka chomene. Ise tikwenera kugomezga Mazgu ghose gha Chiuta. Ise tikwenera kupenja mpaka Mazgu ghara ghazgoke gheneko nkhanira kwa ise. Mukuwona? Mukuwona? Ukaboni ndiwo ukutondeska ise kunjiramo.

119 Kweni, nyengo yimoza, (kumupangani imwe kuti mufumemo mu chipingo ichi), mu khoti lenelira, munyamata wakaŵavye ndalama. Iyo wakatondeka kulipira mlandu uwu. Mtengo ukaŵa ukulu chomene kuchimbiriranga mu vikwi vya ma dolla. Kweni iyo wakaŵa na mkuru wakhe mulara uyo wakiza na kumulipirira iyo.

120 Sono, ise tiri nayo Mkuru withu mulara, Yesu, Mwana wa Chiuta. Ndipo Iyo wakiza na kutilipirira ise wose uwu, usange ise tingomezga waka na kumanya kunjira mu chidiko pamoza na Iyo. Mwantheura, Iyo ndi Moses withu. Yesu ndiyo Moses withu wa muhanyauno. Moses, chidiko, wakaŵa Mazgu ghaumoyo ku ŵanthu. Muhanyauno, Yesu, wakubenerereka, ndi Mazgu ghaumoyo ku ŵanthu, kuti, Yesu mu mpingo. Mzimu Mutuŵa, Mwana wa Chiuta mu ŵanthu, kuvumburanga Mazgu mwa phangano la zuŵa ili, kuchipanga Ichi pakweru waka. Chimozi sono.

¹²¹ Ndipo kumbukirani, Moses wakachita ichi, ndipo wakawoneskera ichi, ku charu chose chara, kweni ku wanthu awo wakafuma, gulu waka la wanthu, wara wakawa awo wakafuma mu kufu- . . . mu kufuma.

¹²² Ndipo muhanyauno, Mzimu Mutuwa, pa maso gha wanthu awo wakuyowoya kuti, “Machirisko ghauzimu ngautesi.” Apo ine nafumbanga . . .

¹²³ Dokotara wakandichema ine, zuwa linyakhe, za dona lichoko, o, kuka wa wanthu wakusuzgika wanayi panji wankhonde kula, wakagona pafupifupi waka kufwa, kupendanga maora, ndipo Mzimu Mutuwa ukuwachizga iwo. Dokotara wakafumbanga ichi. Iyo wakati, “Kasi ichi chingachitika uli? Chifukwa,” iyo wakati, “Ine—ine . . . Uyo ndi murwari wane.”

¹²⁴ Ine nkhati, “Ichi chikawako. Kweni sono chikawa kwa Chiuta. Ichi—ichi, ndi wana Wakhe sono.” Mukuwona?

¹²⁵ Ndipo ntheura imwe mukuwona chinthu ichi, kuti Chiuta wakuchemeska kufuma, kuti wafumire kunyuma kwa chidiko chathupi mwweneuyo wakuyezga kukopera, mweneuyo wakuyezga kujoyina mpingo; Methodist chara, Baptist, Presbrtere, wose pamoza, kweni mipingo ya Pentekoste. Ichi ntcha waliyose payekhapayekha. Ichi ndimwe na Chiuta. Imwe mukwenera kuti munjiremo, gulu linu chara, mpingo wako chara, mliska wako chara, kweni ndiwe uyo wakwenerera kunjiramo.

¹²⁶ Ine nkhuumba kuti imwe muwone ukhaliro unyakhe wa Moses, para iyo wakati wafuma. Kweni, pakuwa muprofeti, pakuwa munthu mukuru icho iyo wakawa, para iyo wakati wafuma na Mazgu, wanthu wakawona kuti iyo wakasinthika. Chinyakhe chikachitika kwa iyo. Para iyo wakati wafuma na Mazgu ghakukhozgereka gha nyengo yira, malango, iyo wakawa munthu wakusinthika.

¹²⁷ Ndipo ntheura imwe muzamkuwa ntheura, para imwe mukufumako kunyuma kwa chidiko cha umunthu chira icho chingamanya kuseka pa msonkhano wangati uwu; munthu yura mweneuyo wangamanya kukhuwazgika pa machirisko Ghauzimu, na kuyowoya kuti mazuwa gha minthondwe ghali kujumpha. Imwe mwafumako kuseri kwa chidiko chira chaumunthu kwenekula, chidiko cha mudauko, ndipo waliyose wamanyenge chinyakhe chachitika kwa imwe.

¹²⁸ Ngati ndi m'bale withu wakuchindikika, Jim Brown. Ine nkugomezga wa Presbetere wanandi wakumanya kuti chinyakhe chikachitika kwa iyo, chifukwa iyo—iyo wakiza kufumira kuseri kwa chidiko cha midauko. Iyo wakawona chinyakhe mu wanthu, icho chikamukopa iyo, ndipo iyo wakafumako kuseri kwa chidiko.

129 Enya, imwe, para imwe mwafumako kuseri kwa chidiko, imwe muwenge pakuwonekera nkhanira ku wanthu, mwakuti iwo wangamanya kuwona kuti chinyakhe chachitika kwa imwe. Mazgu ghakubenerereka, ku wambura kugomezga, kweni ghakuwonekera makoraghene ku wakugomezga. “Yesu Khristu mweneyura pera mayiro, muhanyauno, na muyirayira.”

130 Ntheura, wakaŵa Chiuta. Mu mazuŵa ghara, wakaŵa Chiuta mwa Munthu, Mwana Wakhe, Yesu Khristu. Ise tikugomezga icho. Muprofeti waka chara, munthu wamba waka chara, munthu wamba. Wakaŵa Chiuta mwa Khristu; Chiuta mwa Munthu; uzari wa Uchiuta, muthupi la Munthu. Chiuta mwa Munthu!

131 Sono ndi Chiuta mu wanthu, uzari wa Chiuta mu Uchiuta, muthupi la mpingo Wakhe wose, kujiwoneskera Iyoyekha, kukwaniriska Mazgu Ghakhe.

132 Sono ise tikusanga, Chiuta, miwiro yose, Iyo wakaŵa na khungu pa Ichi. Iyo, Chiuta, wakhala wakubisika kuseri kwa chidiko.

133 Ichi chikundikumbuska waka ine za—nkhani yichoko iyo yikachitika kudera Kumwera. Ndipo ntheura kula kukaŵa banja la Chikhristu. Ndipo mu banja ili la Chikhristu iwo wakagomezganga Chiuta, ndipo iwo—iwo wakaghanaghananga kuti—kuti Chiuta wakuŵavikirira iwo ku masuzgo ghose. Ndipo, cheneicho, Iyo wakuchita. Ndipo iwo wakaŵa na msepuka muchoko, msepuka muchoko pafupifupi virimika vinkhonde na viwiri panji vinkhonde na vitatu. Ndipo—ndipo iyo wakaluta ku Sande sukulu ndipo wakaŵa msepuka muweme chomene. Kweni iyo wakachitanga mantha na mphepo zikuru, makamaka para ŵaleza wakagadimanga.

134 Ndipo ine nkhayowoya ichi kwa munthu, zuŵa linyakhe, para nkhani iyi yikati yapulikikwa yakuchizgika kwa munthu. Mupharazgi mweneuyu pera wakati, “Iwo wakukupanga iwe kuŵa chiuta wawo, M’bale Branham.”

135 Enya, iyo wakaŵa wakususka, ntheura ine nangughanaghana ine ndiwe waga ngati ndachivumbura ichi pakweru, pachoko waka. Kumupwetekani imwe chara, imwe mukumanya, kweni kuŵa waka. . . Ine nkhati, “Kasi ichi chiri kutali chomene na Malemba, kuti chiwe ntheura?” Mukuwona? Ine nkhati, “Chara, ndimo viliri chara,” ine nkhati, “chifukwa Yesu wakaŵazunura ŵaprofeti ‘wachiuta.’ Mukuwona? Uwo mbunenesko, ‘Chiuta.’”

136 Ndipo iwo wakuti, “Enya, imwe mwaŵanthu mukuyezga kutora malo gha Chiuta.” Icho mwayowoya chiri kutali chara. Icho ndendende ndiumo chiliri. Ndiumo chiliri nadi. Chiuta wakawonekera muthupi, umo Iyo wakalayizgira.

137 Banja lichoko ili, ise tikusanga. Ine nkhamuphalira iyo nkhanu yichoko iyi, yeneiyo yafika ku malingaliro ghane

mwasonosono. Kuti, usiku umoza kukiza mphepo yikuru, ndipo nyina wakati kwa Junior, wakati, “Sono, iwe ulute chipinda cha mchanya, wamwana, ndipo ulute ukagone.”

Wakati, “Amama, ine nkhopa,” iyo wakati.

“Kuliye chirichose chamkukupweteka iwe. Ruta muchanya ndipo ukagone.”

¹³⁸ Junior muchoko wakagona muchanya mula, ndipo waleza wakagadimanga mawindo zingirizge. Ndipo msepuka muchoko wakachita wofi chomene, iyo wakamanyanga kubundirizga mutu wakhe, ndipo iyo wakamanyanga ndipera kuwapulika wa—waleza, panji kuwona kugadima kwa waleza pa mawindo, na—na kupulika vidududu vikududuma. Ntheura iyo wakati, “Amama!”

Ndipo nyina wakati, “Kasi iwe ukukhumba vichi, junior?”

Wakati, “Zaninge kuchanya ndipo muzakagone pamoza na ine.”

¹³⁹ Ntheura iyo wakakwera masitepu kuluta muchanya, ngati ndi waliyose muweme, mama wakugomezgeka wangachitira. Ndipo iyo wakafika muchanya, ndipo wakamutorera junior mu mawoko ghakhe. Ndipo wakati, “Junior, nyoko wakukhumba kuyowoya kwa iwe nyengo yichoko waka.”

Wakati, “Vyose viri makora, mama.”

¹⁴⁰ Wakati, “Sono iwe ukwenera kusunga ichi mu mtima. Ise tikuruta ku tchalitchi, nyengozose. Ise tikuwerenga Baibolo. Ise tikupemphera. Ise ndise banja la Chikhristu. Ise tikugomezga mwa Chiuta.” Ndipo wakati, “Ise tikugomezga kuti, mu mphepo zikuru na vinyakhe ivyo vikuchitika, Chiuta nd movwiri withu.”

¹⁴¹ Iyo wakati, “Amama, ine nkugomezga chirichose cha ivyo. Kweni,” wakati, “para leza yura wali pafupi chomene,” iyo wakati, “ine—ine nkukhumba Chiuta uyo wali na khungu pa Ichi.”

¹⁴² Ntheura, ine—ine nkughanaghana, junior pera chara, kweni tose ise tikuwona ntheura. Para tafika pamoza, para ise tikupemphererana yumoza na munyakhe, Chiuta wali na khungu pa Ichi.

¹⁴³ Ndipo ise tikusanga apa kuti Chiuta nyengozose waka wa na khungu pa Iyo. Para Moses wakati wamuwona Iyo, Iyo waka wa na khungu pa Iyo, wakawoneka ngati Munthu. Para Chiuta waka wa kuseri kwa chidiko, Iyo waka wa na khungu pa Iyo. Ndipo Chiuta, usikuno, mu Mpingo Wakhe, Iyo wabisika mu Mpingo Wakhe na khungu pa Ichi. Iyo wachali Chiuta mweneyura, usikuuno. Ise tikuchisanga ichi.

¹⁴⁴ Kweni sono, umo kuka wira, chidiko cha khungu ndicho chikukora midauko. Iwo wakutondeka kugomezga kuti kuti ndi Chiuta mweneuyo wakupangiska wanthu kuchita ngati

ntheura. Mukuwona? Ntchifukwa chakuti Chiuta wabisika mu Mpingo Wakhe, mu khungu, khungu pa Ichi. Uwu mbunenesko. Iyo wabisika ku wambura kugomezga, ndipo wavumbukwa ku wakugomezga. Enya, bwana.

¹⁴⁵ Sono, para chidiko cha mdauko, midauko ya wâlara na Mazgu, vyaphwanyika, o, nkhumanya, muhanyauno, ntheura wakwiza kuwonekera pakweru, ise tikumuwona Iyo, Chiuta kubisikaso mu thupi la munthu. Waheberere 1 wakati ntheura.

¹⁴⁶ Ndipo kweniso Genesis 18. Kumbukirani, Chiuta wakaŵa Munthu kuyimirira apo, wakaryanga, ndipo wakayowoyiskananga na Abraham, ndipo wakamuphalira Sara icho iyo wakachitanga mu hema kuseri Uku.

¹⁴⁷ Ndipo Yesu wakati, “Umo ichi chikaŵira mu mazuŵa gha Sodom, ndimo kuzamkuŵira na Pakwiza kwa Mwana wa munthu.” Uchiuta kubisikaso mu thupi la Munthu! Sono, kumbukirani, Yesu wakayowoya ntheura chara, “Para Mwana wa Chiuta wakuvumbukwa.” Mwa Luka chiputaro 17, ine nkugomezga, ndipo padera pa vesi 20, 21, cha kudera kwenekuko, Iyo wakati, “Ndipo para Mwana wa munthu wakuvumbukwa.” Mwana wa munthu, kuweraso mu—mu—mu Mpingo, kuvumbukwa mu wanthu; Mwana wa Chiuta chara, kweni Mwana wa munthu, kuweraso mu Mpingo Wakhe, mu mazuŵa ghaumaliro. Ise tikusanga kuti Iyo wakalayizga chira, mu malayizgano gha Chiuta.

¹⁴⁸ Ise tikuwona chinthu chinyakhe, mu Testament Lakale. Ine ndiri nalo Lemba pano, mu Exodus. Kutu, vikumba vyakale, kasi ichi chikachita vichi? Ichi chikabisa Uchindami wa Chiuta ku wanthu. Vikumba vira; nanga ndi wanthu wakatondeka kuchiwona Ichi, chifukwa likaŵa khungu leneilo likakolerera Ichi. Khungu likaŵa. . . Uchindami wa Chiuta ukaŵa kuseri kwa khungu.

¹⁴⁹ Ndipo sono Uchindami wa Chiuta uli kuseri kwa khungu linu. Uwu mbunenesko. Ndipo midauko yikuchiwona chara Ichi. Ichi chiri mkati mu chidiko, kwenekuko kukaŵa Mazgu Ghakhe.

¹⁵⁰ Kasi mkati mwa khungu kunyuma kula mukaŵa vichi, vikumba vyakale vya nyama?

¹⁵¹ Cheneicho, “mukaŵavye kutowa kwenekuko ise tingamanya kukhumbira Ichi. Ndipo para Ichi chikati chazgoka thupi na kukhala pakati pithu, mukaŵavye kutowa kwakuti ise tingamanya khuchikhumbira Ichi.”

¹⁵² Ndipo sono chinthu chimozi chilikochi muhanyauno. Muliye kalikose mwa mwanarumi panji mwanakazi, ako kangamanya kudokereka. Ndi icho chiri kuseri kura. Icho ndicho cheneko. “Enya,” imwe mukuti, “munthu yura, ine nkhumanya wakaŵa muloŵevu. Wakatemwanga kuchita *ichi*.” Ine nkhuwerera chara ivyo iyo wakatemwanga

kuchita. Kasi ntchichi chabisika kuseri kwa khungu? Icho chili kuseri kula ndicho ntchakuzirwa. Ichi ndicho, wanthu wâli kubulkumutizgika. Khungu likubulumutizga wanthu. Mukuwona? Iwo wakuti, “ine nkhekumbukira apo mwanakazi yura wakatemwanga kuchita.” Ine nkhumanya ivyo iyo wakatemwanga kuchita, kweni kasi sono wachali? Mukuwona?

¹⁵³ Khungu lira, ilo pakudanga likaŵa pa chinyama, kweni sono likubisa Uchindami wa Chiuta, Ili likabisika kunyuma kwa ichi. Ichi chikaŵa pa chinyama, kweni sono likubisa Uchindami wa Chiuta.

¹⁵⁴ Ndipo nthaura khungu linu lingamanya kusinthika, usikuuno, kuzgoka malo ghakukhalamo Chiuta, Chiuta kukhala mwa munthu.

¹⁵⁵ Wonani. Vikumba vya nyama vyakale, ise tikusanga kuti, kuseri kwa ichi kukaŵa. . . Mukati mwenemula mukaŵa Mazgu. Ndipo, Mazgu, mukaŵaso chingwa chakuwonekera. Likasa likawazgikirika. Ndipo kasi ichi chikaŵa chivichi? Uchindami wa Shekina ukaŵa mwenemura.

¹⁵⁶ Sono, Mazgu ndi Mbewu, ndipo Iyi yingamanya kumera chara mpaka m—m Mwana wayikhwaske Iyi. Mwana wakwenera kukhala pa Mbewu, kuyipangiska iyi kuti yipambike, kuyipanga Iyi kuti yiphuke. Ndipo nthowa ndi yeneiyi pera. Imwe mutore Mazgu, wonani, ghatorerani Mazgu gha Chiuta mu mtima winu, ndipo muyende na kunjira mu Uchindami wa Chiuta. Ndipo para imwe mukuchita ichi, Igho ghizenge na chingwa, Manna, agho ghakuperekeka ku wanthu wapadera pera. Chinthu chimoza pera icho chingamanya kurya ichi, ndi cheneicho ntchakuzomerezgeka kurya ichi, ndi wanthu aŵo mbakuzomerezgeka waka ndipo wakuchimanya Ichi. Paulos wakayowoya apa, “Kusinthu kufuma ku Uchindami kuluta ku Uchindami.” Imwe mukuwona, paumaliro, Iyi yikwiza mpaka Iyi yikuwereraso ku Uchindami Wakhe wa pakudanga.

¹⁵⁷ Iyi yiri ngati mbewu ya uchindami wa mlenji. Mbewu ya luŵa, iyi yikuwa mu dongo. Mbewu ya vingoma yikuwa mu dongo. Kasi chinthu chakudanga ntchivichi? Iyi yikuphuka, ndipo iyi ndi kamphukira kachoko. Ntheura iyi yikufika ku mphunga. Ntheura, kufuma ku mphunga, yikuwereraso ku mbewu yakhe ya pakudanga.

¹⁵⁸ Enya, ichi ndicho nadi Mpingo wachita. Ichi chikafumira kwa Luther, Wesley, ndipo sono chawereraso ku Mbewu ya pakudanga, kuwereraso ku Uchindami Wakhe wa pakudanga, kuwereraso ku Uchindami Iyi yikawa nawo pakudanga. Mwana uyo wakiza kufumira ku Vuma, ndi Mwana mweneuyo wakuwoneskera chinthu ichi ku Zambwe, kusinthanga kufuma ku Uchindami kuluta ku Uchindami. Ichi chikasintha kufuma ku uchikunja, kufika kwa Luther; ndipo kufuma kwa Luther, kufika mwa Wesley; kufuma kwa Wesley, kufika mwa

Pentekoste; na kulutirira mwantheura, kusinthikanga kufuma ku Uchindami kuluta ku Uchindami, kupambikanga Manna ghakubisika.

¹⁵⁹ Ndipo sono Iyi yakhwima, kumutorera Iyo kunyuma ndendende ngati ndiumo Iyo wakaŵira pakudanga, utumiki Wakhe wenewura; Yesu mweneyura, nkhongono yeneyira, Mzimu Mutuŵa wenewura. Mweneyura Yumoza uyo wakakhira pa Zuŵa la Pentekoste, ndi Mzimu Mutuŵa weneura ukuwonekera muhanyauno, kufuma ku Uchindami kuluta ku Uchindami, ku Uchindami. Ndipo wawerera ku Mbewu Yakhe ya pakudanga, na ubapatizo wa Mzimu Mutuŵa; na vimanyikwiro vyenevira, vya kuziziswa vyenevira, ubapatizo wenewura; ŵanthu ŵa mtundu weneula, kuchita chimozimozi, na nkhongono yakuyana, kapulikiro kamoza. Ichi chikufuma ku Uchindami kuluta ku Uchindami. Ndipo chakurondezgana chizamkuŵa, “Kusintha kufuma ku Uchindami, kunjira muthupi ngati thupi Lakhe Yekha lauchindami, kwenekuko ise tizamkumuwona Iyo.” Abraham nayo wakawona ntheura pera.

¹⁶⁰ Sono wonani. Ise tikuwona naumo ichi chikasinthikira. Kufumira pa Mphinjika, ise tachemeka kuti tizakagaŵane Uchindami Wakhe. Sono, mu ŵakorinte Wakudanga 12, “Ise tiri kubapatizika mu Thupi Lakhe. Na Mzimu umoza ise tose tiri kubapatizika.” Na ghamoza chara “maji”. “Mzimu umoza, ise tose tiri kubapatizika.” Uwo mbunenesko, sono, ndipo mwantheura ise tikuzgoka gawo la Iyo.

¹⁶¹ Ine nkhumomezga ine nkhumusungani imwe nyengo yitali chara. [Gulu likuti, “Chara.”—Munozgi.] Mukuwona? Ine nkhumomezga ine nkuchita chara.

¹⁶² Kweni, ichi chikuyana waka na gulu la ŵimbi ilo likuyimba, panji kuchita seŵero.

¹⁶³ Ine nkhumanya vinandi chara vya nyimbo na maseŵero. Kweni ine nkhawonereranga seŵero ili. . . Ine nkhayowoyanga za *Ŵanthu ŵamagalimoto*, apo mwana wane msungwana na iŵo ŵakaŵamo mu iyi. Ndipo iŵo—ndipo iŵo ŵakaseŵeranga mu gulu la ŵimbi ili, mu *Ŵanthu ŵamagalimoto*. Iŵo ŵakavinanga. Nyimbo yi—yi yikayimbikanga ntheura pera.

¹⁶⁴ Ichi ndimo chikuŵira para imwe mwabapatizika na Mzimu Mutuŵa, mwa Khristu.

¹⁶⁵ Sono, wonani, ŵanandi ŵa imwe muli kuŵerengapo panji kupulikapo za nkhani ya mwati mukuru wa ku Russia uyo wakayata *Petros na Mphumphu*. Ndipo umo iyo, iŵo ŵakuyivinira yira na vimanyikwiro na chirichose. Ndipo waliyose uyo wakuyimanya nkhani, uyo wakuyiŵerega iyi mu nyuzi, ndipo wangamanya kulipulika gulu la ŵimbi lira, umo ili likuchitira, seŵero, kuyiyimbanga iyi, chifukwa, iŵo

wakumanya pakusinthika palipose. Iwo wakumanya kula wiska pa iyi kudera *kuno*, na kuwona kusintha.

¹⁶⁶ Kweni, sono, kasi ntchivichi chikuchitika usange wa—usange mwati walembe chinyakhe, ndipo ise tikusanga kuti ichi chikuchitika makora chara? Ise mwantheura tikusanga kuti pakuwa chinyakhe icho chikuchitika. Pali chinyakhe icho chikuso weka, para ise tikuwawona iwo. Iyo mwene uyo wakayiyata iyi wali kuyipanga iyi na kuyilemba iyi, ndipo ntheura gulu la wimbi likuyivina iyi, wakuyimba mwaujira. Pali chinyakhe chakwanangika. Mlongozgi wakapereka kachitiro kaheni. Mukuwona?

¹⁶⁷ Ndipo ili ndilo suzgo muhanyauno, wabale wane wa Luther, wabale wane wa Baptist, wabale wane wa Pentekoste. Wabale mose kufuma ku mabungwe ghakulekanalekana, icho ndimo chiliri. Mukuwona? Imwe mukuyezga kusambizga kayimbiro ako kakagwira ntchito mu mazuwa gha Luther, Wesley, ngati ntheura, apo, mu unenesko, kayimbiro ka Nyimbo apa kakurongora kuti nkha zuwa linyakhe. Mukuwona? Mukuwona? Mukuwona? Ise tingakhala chara mu kungweruka kwa Luther; iyo wakuwa wakusintha. Ise tikuwonga lakhe—gawo lakhe, kweni ise tikajumphapo kale apo. Ise tiri kudera kuno ku umaliro wa Buku. Mukuwona? Ise tingachita chara—ise tingachita chara Ichi ngati ntheura.

¹⁶⁸ Sono, nthowa yimoza pera iyo imwe mungamanya kuchitira ichi, wabale wane, ndi iyi. Ndipo mwa wabale wa ku charu, ku viga wa vyakupambanapambana vya charu, ine ningamanya kuyowoya, pali nthowa yimoza pera yakuti—yakuti mulongozgi wachite. Iyo wakwenera kunjira mu Mzimu wenuwo mwati wakuwamo, ntheura iyo ndikokuti wawusanga Uwu. Ndipo para Mpingo, gulu la wimbi Ilolene, kwenekuko charu chikukhazga kuwona vimanyikwiro ivi na minthondwe; penepapo Mpingo, na Mwati, na mlongozgi, wose wakunjira mu Mzimu wa Mwati.

¹⁶⁹ Ntheura para iwo wakuti, “Mazuwa gha minthondwe ghali kumara,” ichi chikuyimba mazgu ghaweme chara.

¹⁷⁰ Kweni para iyi yikwimbika mukayimbiro kaweme ka Iyi, na Mzimu wakwenerera wa Iyi; kasi imwe muyimbenge uli iyi mpaka Mzimu ukhire, wa Mwati? Amen. Ntheura para imwe mukuti, “Mazuwa gha minthondwe ghandamalepo.” Gulu la wimbi likuchemerezga, “Amen.” Para ise tayowoya, kuti, “Yesu Khristu ndi mwenyura pera mayiro, muhanyauno, na muyirayira.” Gulu la wimbi likuchemerezga, “Amen.” “Imwe mupokerenge nkhangono para Mzimu Mutuwa uwu wafika pa imwe.” Gulu la wimbi likuchemerezga, “Amen. Ine nawupokera Uwu.” Kulijeso kachitiro kakuchita kusachizga za ichi. Gulu lose la wakwimba liri nkhanira mu chitemwano na Mazgu. Ichi chikwenda . . . [M’bale Branham wakuwomba manja ghakhe katatu—Munozgi.] Ichi ndicho. O! Ndi chinthu chiweme.

Mlongozgi na mwati wákwenera kuwa mu Mzimu umoza. Ndipo ntheuraso wákwimba wákwenera kuwa mu Mzimu umoza, kuti wose wayichite Iyi makora. Ndipo charu chikuzizwa kasi chikuchitika ntchichi.

171 Chikomunisti icho iwo wákuyowoya, ndipo chikandipangiska ine kurwara nacho ichi, na kukoreranako kose uku, na chinyakhe chirichose, na kusankhana mtundu. O, lusungu! Wantheura, ukazuzi wose uwu, apo Kwiza kwa Fumu kuli pafupi, pali chinyakhe chikwenda makora chara. Ine nkhopa kuti mlongozgi waka. . . Walongozgi wákafumamo mu Mzimu wa Mwati.

172 Para ise tatora Mzimu wa Mwati yura, nkhangono ya pakudanga yira ya Chiuta iyo Baibolo likati, “Wanthu wakale wakarongozgeka na Mzimu Mutuwa kuti walembe Baibolo ili,” imwe muwonenge viduswa viwiri vira vya mapepara gha wa Chaina vikwiza pamoza, ngati ndiumo Baibolo la Chiuta na wakugomezga wafikirenge pamoza, chifukwa wose wali mu Mzimu umoza. Iwo wose ndi chinthu chimoza. Iwo wakuyana makora chomene. Icho ise tikukhumba muhanyauno ndi warongozgi, awo wali makora, kuwerera ku Mazgu, kukhozgera na kughagomezga Igho ngati ndiumo Igho ghakayowoyera. Ntheura imwe mukumuwona Chiuta, Iyomwene. Uko ndiko kuvumbukwa. Seŵero lawonekera pakweru.

173 Mhanyauno, iwo wakuti, “Enya, Iyo ndi Chiuta wakale. Ise tikumanya Iyo wakayambuka Nyanja Yiswesi. Iyo wakachita vyose *ivi*. Ndipo Iyo wakaŵa mu—mu ng’ango ya moto, na wana wa Chihebere.” Kasi uweme wa Chiuta wakale ntchichi, chara, usange Iyo ndi mweneyura pera chara muhanyauno? Munthu nyengo yose wakumuchindika Chiuta pa ivyo Iyo wakachita, kughanaghana za ivyo Iyo wazamkuchita, na kukana ivyo Iyo wakuchita. Ichi chili mwa munthu kuchita ntheura. Ndipo ndi chinthu chimozimozi muhanyauno, wabale wane. Ndi chinthu chenechira pera. O, mwe!

174 Tiyeni ise tiwerere kunyuma ndipo tilisange gulu la wimbi yikwimbika likwimba makora, kwenekuko iwo wa kucharu wangamanya kuwona. Yesu wakati, “Usange Ine ndikwezgekenge muchanya kufuma pa charu ichi, Ine ndizamkutorera wanthu wose kwa Ine.” Ndipo, “Iyo ndi mweneyura pera mayiro, muhanyauno, na muyirayira.”

175 Zomerezgani warongozgi wanjire mu Mzimu wakwenerera, na wakwimba na Mwati, chirichose chiwenge makora. Ntheura ise tikuwa, pakuwavye kuchita kusachizga za ichi, ise tikumanyikwa na Iyo ntheura. Wahebere 13:8 wakati, “Iyo ndi mweneyura pera mayiro, muhanyauno, na muyirayira.”

176 Ise tikumanyikwa na Iyo mu Milimo 2. Ise tikumanyikwa na iwo, na ubapatizo umoza, chinthu chimoza. Chose icho Iyo

wakaŵa na chose icho Iyo wali, chose icho Iyo wakaŵa na chose icho Iyo wali, ndicho ise tiri. Nkhanira ndendende.

177 Ngati ndiumo usange ine nkikhumba kuŵa mwina America muneneska, ine nkhuenera kumanyikwa na vyose ivyo iyo wakaŵa navyo, chirichose icho iyo wali. Ine nkhuenera kumanyikwa na ichi, usange ine ndili mwina America mweneko.

178 Usange ine ndine mwina America mweneko, ntheura ine nkchafikapo pa Libwe la Plymouth. Amen. Ine nkchachita, usange ndine mwina America mweneko. Ntheura imwe mukachita; imwe mukafikapo pa Libwe la Plymouth na ŵasekuru ŵamwenda nthowa. Pa Libwe la Plymouth, para iŵo ŵakati ŵafika kwenekula, ine nkhaŵa naŵo; ntheura namwe mukaŵako, waliyose.

179 Ine nkchayenda pamoza na Paul Revere, nkhanira pa msewu, kuchenjezga za urwani wose. Uwu mbunenesko nadi.

180 Nkhanira kudera kwenekuno ku Chithaŵari cha Forge, ine nkchayambuka maji ghakukhoma gha Delaware, na gulu la ŵasirikari aŵo, hafu ya iŵo, ŵakavwara skapato chara. Ine nkchaphempera usiku wose pamoza na George Washington, pambere tindanyamuke. Ine nkchayambuka Delaware na mboniwoni mu mtima wane. Ise ndise ŵina America. Enya, bwana. Pa Chithaŵari cha Forge, ine nadi nkhaŵako.

181 Ine nkchapereka viwongo pamoza na Viwongo vya ŵasekuru ŵa pakudanga. Ine nkchapereka viwongo kwa Chiuta. Usange ine ndine mwina America mweneko, ine nkchamanyikwa penepara pa thebulo.

182 Usange ine ndiri mwina America mweneko, ine nkchamanyikwa para ine nkchayimirira pamoza na Stonewall Jackson.

183 Usange ine ndine mwina America mweneko, ine nkchamanyikwa pa Boston Tea Party, enya, bwana, apo ise tikakana kuti tiŵe na vinthu vyakutibenekerera ku maso kwithu. Enya, ine ndine mwina America mweneko. Ine nkchamanyikwa kwenekula na chenechira. Enya, bwana. O, mwe!

184 Ine nkchalizga Belu la Wanangwa, 4 wakudanga wa Julayi, 1776. Ine nkchalizga belu kuno la Wanangwa na kuyowoya pakweru kuti ise tiri ŵanangwa. Kuŵa mwina America mweneko, ine nkchayenera kuchita.

185 Ine nkchamanyikwa pamoza nayo mu kukhozgeka soni kwakhe mu Kuwukira, apo m'bale wakalimbana nawo. Ine nkchayenera kukhozgeka soni pamoza nayo, ngati ndiumo ine nkchayenera kuŵa nayo pamoza mu uchindami wakhe. Usange ine ndine mwina America, ine nkchayenera kuŵa ntheura. Ine nkchamanyikwa na iyo. Enya, bwana.

186 Ine nkhamanyikwa ku Gettysburg kudera kula, para Lincoln wakapereka mazgu ghakhe. Enya, bwana.

187 Ine nkhaŵa pa Chilumba cha Wake, pamoza na igho mathupi gha ŵasirikali ghakupwetekeka. Ine nkhwakerera muchanya pa Chilumba cha Wake.

Pa Guam, ine nkhwawira kukolerera ndembera yira.

188 Ine ndine mwina America mweneko. Amen. Chose Iyo wali, ine ndiri, ndipo nkhujitukumura na ichi. Enya, nadi. Chose icho America wakaŵa, chose icho Iyo wali, ine ndichali chenechira, kuŵa mwina America. Chirichose Iyo wakaŵa, ine nkhuwenera kuŵa chenechicho, chifukwa ine nkhumanyikwa na iyo.

189 Chimozimozi, pakuŵa Mukhristu muneneska, imwe mukwenera kumanyikwa na ichi.

190 Ine nkhwapharazga na Moses, na- . . .panji na Nowa, na kuŵachenjezga ŵanthu za cheruzgo icho chikizanga; kuŵa Mukhristu mweneko.

191 Ine nkhaŵa nayo Moses mu chivwati chakugolera. Ine nkhaliwona Laŵi la Moto. Ine nkhwawona Uchindami Wakhe. Ine nkhaŵa nayo Moses kumtunda kula mu mapopa, kuti ndiŵe Mmukhristu. Ine nkhuwenera kumanyikwa na chirichose icho Chiuta wakaŵa, kuti ndiŵe Mukhristu. Ine nkhwawona uchindami Wakhe. Ine nkhalipulika Lizgu Lakhe. Mungayezganga chara kundirongosorera ine munthowa yinyakhe sono, chifukwa ine nkhaŵako kula. Ine nkhumanya icho ine nkhuwoyoya. Ine nkhwawona icho chikachitika. Enya, bwana.

192 Ine nkhaŵapo pa Nyanja Yiswesi, apo ine nkhwawona Mzimu wa Chiuta ukakhirira pasi na kugaŵa maji kulwandi limoza; mu khata la matete chara, icho iŵo ŵakuyezga kuyowoya muhanyauno, kweni mu nyanja yitali pafupifupi mafiti makhumi yankhonde pachanya ghanayi. Ine nkhwawona Mzimu wa Chiuta. Ine nkhwawona nayo Moses pa malo ghomizo ghara, kuyambuka Nyanja Yiswesi.

193 Ine nkhwawonira pafupi na Phiri la Sinai ndipo nkhwawona vidududu na ŵaleza ŵakuwa. Ine nkhwawona naŵo Manna kudera kula. Ine nkhamwa kufuma ku Jarawe. Ine ndichali kuchita ichi usikuuno. Ine nkhamanyikwa pamoza na awo ŵakaryanga-Manna. Ine nkhamanyikwa pamoza na aŵo ŵakamwa kufuma ku Jarawe.

194 Ine nkhamanyikwaso para Joshua wakalizga mbata, ndipo viliŵa vya Jericho vikawa pasi.

Ine nkhaŵa mu nyumba ya nkhalamu pamoza na Daniel.

Ine nkhaŵa mu ng'anjo ya moto na ŵana ŵa Chihebere.

Ine nkhaŵa mu Phiri . . . na Elija pa Phiri la Karmel.

¹⁹⁵ Ine nkhaŵa nayo Yohane Mubapatizi, na panthazi pa iwo ŵakususka. Ine nkhawuwona Mzimu wa Chiuta ukwikha. Ine nkhalipulika Lizgu la Chiuta likuti, “Uyo ndi Mwana Wane wakutemweka mwa Mweneuyo Ine nkhekondwera kukhalamo.” Enya, bwana. Ine nadi nkhamanyikwa pamoza na iyo. Uwu mbunenesko nadi.

¹⁹⁶ Ine nkhamanyikwa kwenekula pa dindi la Lazaro, para Iyo wakamuwuska Lazaro. Ine nkhamanyikwa, mwanakazi pa chisime, para Iyo wakamuphaliranga iyo zakwananga zakhe. Enya, bwana.

¹⁹⁷ Ine nadi nkhamanyikwa na Iyo mu nyifwa Yakhe. Ndipo ine nkhamanyikwa pa Chikondwerero chakudanga cha kuwuka kwa Yesu. Ine nkhawuka na Iyo kufuma ku nyifwa. Ine nkhamanyikwa na Iyo mu nyifwa Yakhe.

¹⁹⁸ Ine nkhaŵa nawo makhumi khumi pachanya makhumi ghaŵiri, mu chipinda cha muchanya. Ine nkhamanyikwa kwenekula pamoza na iŵo. Heyi! Ine—Ine nkhopulika usopisopi. O, mwe! Ine nkhamanyikwa kwenekula. Ine ndiri yumoza wa iŵo. Ine nkhamanyikwa. Ine nkawona vyakuyana ivyo iŵo ŵakawona. Ine nkhaŵako kwenekula para ichi chikachitika, kuti ndiŵe Mukhristu mweneko. Ine nkhaŵapo apo mphepo yikuru yikizanga. Ine nkawona ichi. Ine nkhaiyapulika nkhangono ya Chiuta apo Iyo yikagwedezga. Ine nkhaŵa naŵo aŵo ŵakayowoyanga malilime. Ine nkhakapulika kuzozga uko kukanjira mwenemula. Ine nkhaŵa naŵo. Ine nkhamanyikwa na iŵo para Mzimu Mutuŵa ukayamba kuyowoya na iŵo, mu malilime.

¹⁹⁹ Ine nkhaŵa nayo Petros, pamaso gha ŵakususka mu Milimo 2, para iyo wakapharazga uthenga ukuru uwo iyo wakachita. Ine nkhamanyikwa na iyo. Enya, bwana.

²⁰⁰ Mu Milimo 4, para iŵo ŵakati ŵawungana pamoza, ine nkhaŵa naŵo para nyumba yikagwedezgeka. Msonkhano wa malurombo ukati wamala, nyumba iyo ŵakaŵamo yikagwedezgeka. Ine nkhamanyikwira kwenekura pamoza naŵo.

Ine nkapharazga na Paulos pa Phiri la Mars. Enya, bwana.

²⁰¹ Ine nkhaŵa nayo Yohane pa Chilumba cha Patmo, ndipo nkawona Kwiza Kwakhe kwa kwachiŵiri.

Ine nkhaŵa nayo Luther mukusinthu.

²⁰² Ine nkhaŵa nayo Wesley, mukali yura; wakapokeskeka ku moto, para ŵakakwiwiskika chomene ŵa mpingo wa Anglican. Ine nkhaŵa na iyo.

²⁰³ Ndipo ine ndiri muno usikuuno, 1964, mu Filadelfiya, Pennsylvania, kumanyikwa na gulu lenelira, na vinthu vyakukumana navyo vyenevira. Ine nkhuenera kuŵa, kuti ndiŵe Mukhristu. Ine nkhuenera kukhala wakumanyikwa

kwenekuko Mazgu gha Chiuta ghakuwonekera. Ine nkhumanyikwa na gulu ilo likuwupulika Mzimu wa Chiuta.

²⁰⁴ Ine nkhumanyikwa na gulu ilo likumanya kuti Iyo wavumbukwa, ilo likumanya kuti Iyo ndi mweneyura pera mayiro, muhanyauno, na muyirayira, ilo likumanya kuti Uku nkhumanyikwa chara. “Ndi Yesu Khristu mweneyura pera mayiro, muhanyauno, na muyirayira.” Ine nkhumanyikwa na gulu ilo muno, usikuuno. Ndipouli, iwo wakuchemeka gulu la wakusuka, gulu la wakupusa, pa chifukwa cha Mazgu gha Chiuta. Kweni, “ine ndilije soni na Ivangeli la Yesu Khristu, pakuti Ili ndi nkhangono ya Chiuta ya ku chiponosko,” ndipo ine ndiri yumoza. Ine ndiri pamoza nawo wakalata wamoyo wakulembeka awo ine nanguyowoya, wakukhozgeka, Chiuta kubisika mu kawonekero ka munthu, mu wanarumi na wanakazi. O!

²⁰⁵ Chiuta mu *ukajilengi* Wakheso, wakajivumbula Iyoyekha na kujimanyiska Iyoyekha ku wanthu Wakhe. Fumu yakuzirwa Iyo yikataya Uchindami Wakhe. “Ndipouli pa kanyengo kachoko charu chizamkundiwonaso Ine chara. Ine ndizamkubisika kwa iwo. Kweni imwe muzamkundiwona Ine, pakuti Ine ndizamkuwa na imwe, nanga ndi mwa imwe, nthowa yose mpaka ku umaliro, kusinthikanga kufuma kwa Luther kufika kwa Wesley, uku na kulutiriranga, kufuma ku Uchindami kuluta ku Uchindami. Ine ndichali Chiuta mweneyura wakaŵako, ndipo nkhuwerera ku Uchindami wa pakudanga.” Haleluya!

²⁰⁶ Iyo waphwasula chidiko chirichose cha bungwe, chirichose icho ntchakutchinga. Mazgu agho ghakunena kuti, “O, uko nkhumanyikwa,” Iyo wakaphwasula chira. Mazgu agho ghakafuma mwenemula, ghakati, “O, wanthu awo mbakufuntha,” Iyo wakaphwasula nkhanira mu chidiko chira. Enya, Iyo wakachita. “O, imwe mungachita chara ichi. Imwe muli kanthu chara kweni gulu la wakupusa.” Iyo wakaphwasula nkhanira chira. “Kulije chinthu ngati machirisko Ghauzimu.” Iyo wakaphwasula nkhanira chira, o, mwe, pakuti Mazgu Ghakhe ghakati Iyo wangachita. Imwe mungaghatonda chara Mazgu gha Chiuta.

²⁰⁷ Ndipo Iyo wayimirira apo, ndipouli, usikuuno, Mugonjeski wankhangono, pakuti Iyo wakaphwasula waliyose wa Methodist, Baptist, Presbetere, mtundu unyakhe uliwise wa chidiko. Iyo wachali kuyimirira ndithu pakati pa wanthu Wakhe, usikuuno, wambura kugonjeskeka. Walekani wanthu wayowoye ivyo wakukhumba, wachite ivyo iwo wakukhumba, chirichose icho iwo wakukhumba. Chiuta wakwiza, kupasura vyose vyakutchinga.

²⁰⁸ Ndipo kumbukirani, iwo wakundiphalira ine, para ndege yikujumpha vyakutchinga vira, kachimbiriro kakhe kakuwezgeka chara.

209 Ine nkhumuphalirani imwe, para imwe mwagonjeska chakutchinga cha mdauko, chakuti, “wakaŵa Yesu kale, ndipo ndi Iyo chara sono,” para imwe mukusanga Iyo ndi mweneyura pera mayiro, muhanyauno, na muyirayira, kulije mphaka pa ivyo Chiuta wangamanya kuchita mu msonkhano uwu, na kuwoneska ku charu ichi icho iŵo ŵakusoŵerwa: chiwoneskero cha charu chara, kweni chisisimuso cha charu icho chizamkuzuzgika na kubapatizika na Uŵapo wa Chiuta wamoyo, *kajilengi* kujivumbura Iyoyekha mu thupi la munthu. Haleluya! Ine nkhuichigomezga ichi.

210 Kuphwasula chakutchinga chirichose, chidiko chirichose, chidiko chirichose! Pakaŵavye chikamanya kubisa Uŵapo Wakhe. Para ŵanthu ŵali na njara mu mitima yawo, pali chidiko icho chanozgekera kuphwasurika. Imwe mungamanya kugomezga waka pa chenechira. Parurani chidiko chirichose, na Mzimu Wakhe ukuru!

211 Ndipo Iyo wayimirira apa, usikuuno, Mugonjeski mukuru, mweneyura pera mayiro, muhanyauno na muyirayira; kuchizganga ŵarwari, kubapatizanga ŵakugomezga, ngati ndiumo wakachitiranga nyengo zose. Iyo ndi Mugonjeski mukuru. Viŵanda vyakususkika vikuchimbira. Enya, bwana. Ivyo nyengo yose vikuchimbira, para Iyo walipo.

212 Nkhujara, ine panji niyowoye ichi. Kukaŵa e... Nkhaŵerenga nkhani, virimika vinandi vyajumpha, za wakwimba vayolini. Iyo wakaŵa na vayolini yakale iyo wakakhumbanga kuti waguliske. Imwe muli kuyipulika nkhani, nyengo zinandi. Ndipo iŵo ŵakakhumbanga kuyiguliska iyi pa mtengo unyakhe. Ndipo wakuguliksa wakati, “Ndinjani wandipenge ine *zakuti-na-zakuti?*” Ine nkhu Gomezga iyo wakapika ndalama zamanjawara pachoko, panyakhe fifty cent, panji chinyakhe. “Kuluta kamoza, kuluta kaŵiri, . . .”

213 Penepapo, mwanarumi wakanyamuka kunyuma. Iyo wakati, “Miniti waka yimoza.” Ndipo wakanyamuka na kuyitora iyi. Tiyeni ise tighaneghane kuti wakayimba iyi:

Kuli Mbwiwi yakuzura na Ndopa,
Kufuma ku misempha ya Immanuel,
Para ŵakwananga ŵakunjira mwa icho,
Ŵakutaya uheni wawo wose.

214 Ntheura para iyo wakati wayiŵika pasi iyi, pakaŵavye jiso lakomira pa malo. Ntheura iyo wakati, “Ndinjani waperekenge?”

215 Yumoza wakati, “Vikwi vinkhonde. Vikwi khumi.” Iyi yikaŵavye mtengo. Chifukwa? Ka—kaswiri wa kwimba vayolini wakavumbura uweme wakhe weneko.

216 O, m’bale, mlongosi, sono zomerezgani Kaswiri wa Mazgu agha, Mweneuyo wakaghalemba Igho, Mzimu Mutuŵa ukuru,

waphakazge nthonga Yakhe na chitemwa, na kuyiyendeska pa mtima winu.

Kuli mbwiwi yakuzura na Ndopa,
Kufuma ku misempha ya Immanuel.

217 Imwe muwonenge kuzirwa kose, na kuwona Chiuta wakuvumbukwa kuwonekera pakweru. Kuti, Iyo wali naumo Iyo wakaŵira para Iyo wakakhira pa Zuŵa la Pentekoste, pa ŵanthu, para Iyo *wakajivumbura* Iyoyekha, “kujikhuturira” mukati mwa Ichi. Uwu mbunenesko.

218 Imwe mukuti, “M’bale Branham, ine ndayezga. Ine ndayezga. Ine nachita *ichi, icho, chinyakhe.*”

219 Zuŵa limoza ine nkhaŵa na msonkhano ku Carlsbad, New Mexico. Ndipo ise tikaluta kula ku mphanji yikuru ya kale ya ŵakasuku. Ndipo iyo yikawonekanga mwakofya, ndipo ise tikafika kudera kula. Ndipo mu—munthu, para iyo wakati wafika kudera kula, iyo—iyo wakazimwiska magesi. Ndipo, o, mwe, imwe mungamanya kughanaghanira mdima uwo ukaŵako. Kukaŵa waka... Kukuŵa mdima ukuru imwe mungamanya kuwukhwaska uwu.

220 Ndipo ichi chiri pafupifupi umo nyengo zikwendera, para ise tikuwona mpingo uwo ukutondeka kumanya Mazgu gha Chiuta; para imwe mukuwona ŵana ŵithu ŵanakazi ŵa Zion ŵakuchita umo ŵakuchitira; para imwe mukuwona ŵabale ŵithu aŵo ŵakusuta na kumwa, na-na kuyowoya nthabwala zaukazuzi na vinthu, ndipouli ŵachali kuyezga kukolerera chigomezgo chawo mwa Khristu. O, mwe, kuli mdima. Ndi mdima wakofya.

221 Ise tikuwona chimanyikwiwo cha Kwiza Kwakhe. Kuzamkuŵa... Nyengo zose kukuŵa mdima ukuru chomene pambere zuŵa kundache. Ntheura Nyenyezi ya Mlenji yikwiza kuzakawoneska kuti kwacha, na kuphala kuti kwacha, na kurongora kuti kukucha. Wonani.

222 Mukati mura, para iŵo ŵakazimwa, mukaŵa msungwana muchoko wakachemerezga waka mazgu ghakhe pachanya chomene. Kukaŵa mnyamata muchoko wakayimirira pafupi na mlongozgi, ndipo wakamuwona mlongozgi yura para iyo wakazimwanga magesi ngati ntheura. Ndipo mlongosi muchoko yura wakakhala pachoko kuyamba kuzirika. Iyo wakachemerezganga, kudukuranga muchanaya-na-pasi. “O! Kasi ntchivichi chichitikenge mwakurondezgana? Kasi suzgo ntchichi? Kasi suzgo ntchichi?”

223 Mukumanya icho iyo wakachemerezga? Iyo wakati, “Ungopanga, mlongosi muchoko. Muli munthu muno mweneuyo wangamanya kupereka kungweruka.”

224 Tegherezga, mlongosi muchoko, iwe panji ungaghanaghana kuti ise tiri ŵanichi kweniso ŵachoko. Kweni, leka kuchita wofi. Muli Munthu muno Mweneuyo wangamanya kupereka

Kungweruka. Uwu ndi Mzimu Mutuŵa. Imwe mukugomezga ichi? [Gulu likuti, Amen.”—Munozgi.]

225 Tiyeni ise tisindamiske mitu pa kanyengo kachoko. Ine ndiri na chitima pa kumulindikani imwe.

226 O Chiuta mukuru wa Kuchanya, kujivumbura Mwekha, kujimasula Mwekha, kukujipangiska Mwaŵene kumanyikwa, Fumu yikuru ya Uchindami, torani viyerezgero vichoko ivi, usikuuno, ndipo zomerezgani ivi vikhale pa mitima ya ŵanthu. Ndipo nkhuromba kuti timuwone Yumoza yura wakuvumbukwa, Yumoza yura Mweneuyo wakakhira pasi ndipo wakapalura chidiko cha tempile; ndipo ntheura penepapo wakaluta kufumamo mu chidiko chira, wakizaso mu vidiko vya ŵanthu, pa Zuŵa la Pentekoste; wakhala chimozimozi nyengozose, kusinthanga kufuma ku Uchindami kuluta ku Uchindami.

227 Ndipo sono ise tawereraso kunyuma ngati chirichose, chikuchitira, tawereraso nkhanira ku Mbewu ya pakudanga, nkhanira kufuma ku muwiro umoza wa mpingo kuluta ku unyakhe. Ndipo mu muwiro uwu waumaliro, mwenemumo ise tiri, nkhanira kunyuma ku chinthu cha Pakudanga icho chikakhira pa zuŵa la Pentekoste, kuzakakwaniriska Lemba lirilose, “Kungweruka ku nyengo ya mise,” ndipo, “Milimo iyo Ine nkchuchita namwe muchitenge,” na vinthu vinandi ivyo Imwe mukalayizga mu Mazgu Ghinu.

228 Ŵadada, usange walimo muno yumoza uyo wachali wandaphwasure chidiko chira mpaka pano, panji usange walimo muno munyakhe uyo wakayezgerera waka munyakhe uyo wali kujumphamo mu chidiko, perekani uchizi usikuuno, Ŵadada. Nkhuromba iŵo ŵamuwone Wakutonda yura wankhongono wakuyimirira apa, wakuzura uchizi na nkhangono, kuti wagowokere. Perekani ichi, Ŵadada.

229 Ndipo apo mitu yithu yichali yakusindama, kasi ŵangaŵamo ŵanyakhe muno? Kasi mbalinga, panji ine ndiyowoye, aŵo ŵangamanya kuyowoya, “M’bale Branham, ine nkchukwezga woko lane. Mundipempherere ine”? Khalani waka na mutu winu wakusindamiskika, ndipo mukwezge woko linu, “ine nkchukhumba kuphwasula chidiko chirichose, mpaka ine ningamanya nadi kumuwona Wakutonda.” Chiuta wamtumbikani imwe. Mwe, mawoko agho! Muvipinda muchanya, kuwoko lamaryero? Chiuta wamtumbikani imwe. Muvipinda muchanya kunyuma uko? Kwezgani... Chiuta wamtumbikani imwe. Muŵe ŵakugomezgeka nkhanira. Kumazere? Kwezgani woko linu, yowoyani, “M’bale Branham, ine panji ndaŵa Mukhristu kwa virimika vinandi, kweni, nadi, ine ndichali nindaphwasule chidiko chira. Nadi ine nindachite ichi. Ine ndilije Chira icho iŵo ŵakaŵa nacho kale.” Muhanyauno, ise tiri. . . “Ine ndine mbewu yakubenekerereka.”

²³⁰ Torani luŵa ilo lakulira mwakuchita kulibenekerera, imwe mukwenera kulinyengerera ilo, kulilera ilo, kulithira mankhwala, kilithirira maji. Kweni mbewu yira ya pakudanga iyo yikumera kuwalo mu chipululu, mtundu wenewula wa luŵa, lakuwoneka mwakuyana na ili; ili likupokerapo maji chara, kweni viwala vikufikako chara ku ili. Ili ndinonono. Ili ndi lenileni.

²³¹ Kasi imwe mungalinganizga Chikhristu na Chikhristu cha muhanyauno, na icho chikaŵako kale? Kasi imwe mungaghanaghanira gulu ili, aŵo tikuti Mbakhristu muhanyauno, charu chose zingirizge, ŵakuŵa ngati ndi ŵara ŵakaŵako para zuŵa la Pentekoste likati lajumpha; kulereka na kunyengererereka, ndipo kufuma mu mpingo umoza kuluta ku unyakhe, ndipo, kuyowoya chinyakhe icho imwe mukukhumba, kunyamuka na kufuma kuwaro? Ndipo, o, kasi imwe mungaghanaghanira icho? Yayi. Kasi suzgo ntchichi? Uku ndi kuyezgerera.

²³² Michelangelo, mweneuyo wakaŵaja chikozgo cha Moses, mungamanya kutora chiyezgerero kufuma ku chira, muwupusu chomene. Kweni, ntcha pakudanga?

²³³ Yumoza mweneuyo wakajambura Monesko wa Fumu, ine nkhusachizga kuti kujambura kwa pakudanga kula kukati kunangenge mamiliyoni gha madola, usange imwe nanga mukakhumbenge kuwugula uwu. Ine nkhumanya chara kwenekuko uwu uliko. Kweni imwe mungamanya kugura chiyerezgero cha uwu pafupifupi dola limoza na nayinte-eyiti cent. Imwe mungagura.

²³⁴ Ndipo ndimo ichi chiriri muhanyauno. Mukhristu wakutchipa, wakuchita kupanga, wakuchita kujoyina waka mpingo, imwe mungamanya kuŵagula iŵo na ndudu panji cha—chakumwa wamba. Panyakhe, ku ŵanakazi na sisi lakudumura panji milomo yakuphakazgika utoto, imwe mungamanya kumugula iyo na chirichose mu ma fashoni gha charu. Kweni imwe mungamukhwaska chara wakufikapo yura.

²³⁵ Ine nkhumuwona Iyo pakweru nkhanira, mweneyura pera mayiro, muhanyauno, na muyirayira.

²³⁶ O, Mukhristu, kasi iwe ukukhumba chara kuŵa Mukhristu wakufikapo? Usange mulipo mwanyakhe mwangukwezga chara mawoko ghinu, asi imwe mungamanya kuchita ichi? Enya, ine ndipempherenge waka. Chiuta wamutumbikani imwe. Chiuta wamutumbikani imwe. O, icho chiri makora waka. Laŵiksani waka pa icho.

²³⁷ Ŵadada ŵithu muli Kuchanya, “Mazgu Ghinu ghawerenge kwa Imwe ghambura kuchita kanthu chara.” Imwe ndimwe Mweneuyo mukapanga phangano. Ine ndiri waka na ntchito ya kuyowoya Icho Imwe mukayowoya. Ine nkhuwerezgapo waka Mazgu Ghinu. Imwe mukati, “Iyo mweneuyo wakugomezga

Mazgu Ghane na kugomezga pa Iyo mweneuyo wakandituma Ine wali na Umoyo Wamuyirayira.” Imwe mukalayizga ichi.

²³⁸ Ndipo, Fumu, ise tikumanya kuti tiri naŵo ŵakuyezgerera muhanyauno, ŵanandi aŵo ŵakuti ŵakugomezga, apo, iŵo ŵakuchita chara. Ichi chikuwonekera. Kweni, Fumu, ŵalipo ŵanyakhe ŵakufikapo, nawo.

²³⁹ Ine nkhupephera kuti Imwe mupereke waka, mwenemuno, usikuuno, mwakuti mwanarumi waliyose na mwanakazi, mnyamata panji msungwana, kwali iwo ŵakufuma ku charu uli, kwali iŵo mbamtundu uli, kwali iŵo mba mpingo uli, O Chiuta, ŵazuzgani iŵo. Mphanyi iŵo ŵawone kuwonekera kweneko kwa Yesu mweneyura muhanyauno, nkhanira pakatikati pithu, ngati ndiumo Iyo wakaŵira pa Zuŵa la Pentekoste, para Iyo wakajivumbura Iyoyekha ku muwiro uwu, kuŵa Mzimu Mutuŵa. Perekani ichi, kuwona Mazgu ghakukwaniriskika, mauchimi ghakukwaniriskika!

²⁴⁰ Ise tikulinganizga, muhanyauno, uwo ukuchemeka mpingo wa charu, Wupu wa Mipingo, ndipo mungalinganizga chira na phangano la pa Pentekoste? Paliye kulinganizgana, napachoko pose. Ise tingatora chara malaya ghitu ghakubinkha kuchapiska pa kachitiro ako.

²⁴¹ Kweni, Fumu Chiuta, usange ise tiwererengeso ku mbwiwi yira, kuli dongosolo lakatozgekero, ntheura ivyo ise tikukumana navyo na Mazgu gha Chiuta viyanenge chimoza na chinyakhe. Ntheura, ise tingamanya kutora ivyo ndi vithu. Perekani ichi, Fumu, usikuuno, apo ine nkhupepeka ŵanthu aŵa mu mawoko Ghinu. Perekani kwa waliyose icho ise tikusoŵerwa, Ŵadada. Ise tikuromba mu Zina la Yesu. Amen.

²⁴² Chiuta wamutumbikani imwe. Nkhumuwongani imwe, chomene, pakuyimirira, kulindizga nyengo yitali. Ndipo ine nkhupephiska pakumusungani imwe mpaka teni pasiti teni. Chiuta wakhale namwe mpaka ine ndizakamuwonani imwe na mlenji. Ine nkhuwezgera uteŵeti sono kwa, ine nkhuomezga, kwa mulongozgi wa ngano.



CHIUTA MWENENKHONGONOZOSE KUVUMBUKWA KWA ISE CTK64-0629
(The Mighty God Unveiled Before Us)

Uthenga uwu wakupharazgika na M'bale William Marrion Branham, pakudanga ukaperekeka mu Chingerezi pa Mande kumuhanya, Juni 29, 1964, pa ungoro ukuru wa Full Gospel Businessmen's Fellowship International ku Hotel ya Bellevue-Stratford ku Filadelfiya, Pennsylvania, U.S.A. ndipo uli kutoreka kufuma ku tepi ya magineti yakujambulika ndipo walembeke kwambura kusinthika mu Chingerezi. Kutanthauzira uku kwa Chitumbuka kukalembeke na kugawika na wa Voice Of God Recordings.

CHITUMBUKA

©2009 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. Box 51453, LIMBE, MALAWI

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Chimanyisko chakukopera

Wanangwa wose ngwakuwikiririka. Buku ili lingamanya kudindika pa chakudindira cha kunyumba kuwa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili ntha lingaguriskika, kupangikaso mu unandi, kutumizgika pa website, kusungika umu tingazakalisangiraso, kutanthauzika mu viyowoyero vinyakhe, panji kuligwiriska ntchito pa kupempheskera ndalama kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org